



光緒順天府志

人物志
先賢
十九

ル 5
1481
48



門凡 6
編
卷

門凡 5
1481
49

人物志九

光緒順天府志九十九

先賢九

黃岡洪良品纂江陰繆荃孫覆輯

國朝

杜立德子恭俊

劉漢儒

郝傑子惟訥

韓元盛

楊春茂子自牧

芮昌齡

駱養性

王昴

李可楨子煒

趙明徵

丁林聲

王世德子源

劉永嘉

袁懋功兄懋德

楊璜弟敬

朱之弼弟之佐

劉樾

劉克家弟克讓

楊三知

王景祚

林起龍

王崇簡子熙節 燕

方國棟子永隆

張元樞

張士甄弟士堯

謝泰

雷一龍從子 諱



頁下示九十九

高光夔

顏敏

徐化成

陳慎

弟協

田種玉

紀克明

劉芳躅

弟芳

國朝

杜立德字純一寶坻人

一統志

生有異兆長而攻苦積學

王熙杜文端公墓誌

第

明崇禎十六年進士順治二年以順天巡撫宋權薦授中書考

選戶科給事中

漢名臣傳

疏言治平之道有三曰敬天曰法古曰愛人

上嘉納六年疏陳漕弊言漕臣庫禮搜獲運官使費用三十本送

部其中所費皆東南數百萬赤子脂膏供貪墨者之魚肉請按欵

察究從之八年疏請舉經筵擇經明行修之士為講官又請定朝

期杜加派肅

禁地均蒙

嘉納初睿親王攝政給事中許作梅御史吳達李森先等交章劾

大學士馮銓姦貪狀疏上已旬日未下

先正事略

立德疏銓所行弗類

諸臣具實以告非私論也將逾旬日未蒙鑒裁恐無以鼓直言之

氣又如逋逃之馬士英阮大鍼宋企郊等或納賄招權或煽惡流

毒急宜捕誅以彰法紀疏下刑部以事在赦前寢議

漢名臣傳及

聖祖親政黜馮銓

先正事略

立德疏言前此糾劾馮銓諸言官如許作

梅吳達李森先桑芸等並為銓所切齒

漢名臣傳

又僉都御史趙開心

素為銓所忌相繼搆陷斥去之茲逢

聖政方新乞矜察開心等皆得

旨起用

先正事略

九年立德遷太常寺少卿三月擢工部右侍郎六月

調兵部左侍郎十一年二月

上以畿輔八府上年遇水發帑賑濟簡才能清正大臣十六員督

率府州縣衛官散給立德同通政使喀愷分賑大名府所屬一州十縣一衛還奏稱旨四月調吏部右侍郎漢名臣傳累遷刑部尚書每讞重辟必周詳審慎反覆為求生路得則退有喜色不得則日中不出署抵暮歸或竟忘食一日入奏既退

世祖顧左右曰爾等識此人乎此新授刑部尚書杜立德也不要一錢不妄殺一人其為

上所褒獎若此畿輔唐志十一康熙元年調戶部尚書二年加太子太保

三年典會試轉吏部八年拜

國史院大學士其明年改內三院為內閣授

保和殿大學士兼禮部尚書晉太子太傅先正事略時粵東初返正所

司具正賦雜稅之數以聞

上以問諸閣臣立德對曰廣東雜稅多係尚之信所加為民間大

累非朝廷正額

皇上富有四海何需此區區數萬金錢今兩粵變亂甫定正合與

民休息臣謂除之便

上從之居易錄二十八

聖祖嘗諭左右閣臣如杜立德真不愧古大臣十二年再典會試

先正事略韓文懿葵會卷已遭本房勒帛立德搜遺卷獲之遂定首選

紅豆樹館詩話居相位十餘年恩禮優渥嘗

賜宴

內庭先正事略

特命列坐殿內漢大學士入殿坐自立德始也甯河二十一年正

月上元節

賜廷臣宴立德有疾未預

上遣中使賚酒饌賜之

諭曰卿弼亮老臣久任機密茲海宇蕩平時當令序賜宴羣臣卿卧病不克同此歡讌特遣中使慰問賜以醴饌卿其加餐珍攝以副朕倦倦至意漢名臣傳初寶坻以隸通州故分派剝船百有二十甚為民累以立德力陳得減寶坻洪志五月以疾乞休允解任調理命乘驛回籍遣行人司員護送漢名臣傳

御製五言律詩一章及怡情洛社圖章以榮其歸畿輔唐志七十一既致仕家居又以

太宗實錄告成賜銀幣鞍馬加太子太師墓誌三十年卒于家年八十有一

賜祭葬如典禮漢名臣傳諡文端一統志立德為人慈和謙慎恂恂寡言

及當大事決大疑則持正毅然不可奪練習朝章遇事有措置據據掌故參酌時宜兼集眾長期於允當遇物坦平不立畛域雖布衣下位無生平之雅者果有一長必為稱引墓誌德器厚重人不見其喜怒之色京師有無賴子偶與騶卒閱乘醉隨輿後辱詈立德若不聞無賴子隨至邸第詈不止久之遣問之曰可已乎無賴子歸酒既醒或告以昨辱宰相倉皇詣第謝罪立德慰遣之仍子二金令改行生理無賴子感泣而去歲時必至門叩拜卒為善人云子恭俊池北偶談十

恭俊先正事略以恩蔭補工刑兩部司曹綜核詳審具有條理以憂歸甯河關志康熙三十九年迎駕三河

御書永言惟舊四字賜之補刑部督捕侍郎勘逃緝諸案多所保全出知廣信府未幾卒恭俊內行完備推財讓產尤能濟人緩急縣有陳姓者欠官糧三百金將鬻其女恭俊捐金代償而嫁其女邑人稱之畿輔唐志七十一父子並祀鄉賢先正事略

劉漢儒大城人畿輔唐志七十四明天啟二年進士崇禎時累官至四川巡撫流賊寇夔州圍太平石砬土司秦良玉率兵援之漢儒運重慶米以濟其軍太平圍解中書涂原練鄉勇守梁山擊退賊漢儒及巡按御史黨崇雅請以蜀人治蜀兵仍用原莊烈帝不許並罷漢儒本

朝順治元年五月起授都察院左副都御史二年八月御史王守履劾漢儒係大學士馮銓黨為僉都御史江禹緒營求招撫鄖陽漢儒具疏辨並引病求罷得

旨劉漢儒無端被誣著益盡心職掌以振風化三年復以病乞休

貳臣漢儒天性孝友事孀母承顏順志事兄嫂以敬撫孤姪以慈

處宗黨鄰里恩情篤摯周卹備至立朝居官忠藎廉直校禮闈掌

計典矢公矢慎人沐薰陶人稱藻鑑云畿輔唐志康熙四年卒

賜祭葬如例貳臣康熙六十年祀先賢畿輔唐志

郝傑字君萬霸州人畿輔唐志七十四始祖郝文忠公經元初僑寓於燕

因家焉馮溥戶部右侍郎郝公墓誌銘祖九思隱居以求義聞龔鼎孳司農郝公傳父鴻猷

明萬歷己酉舉人王崇簡戶部侍郎郝公傳知陝西延長縣龔鼎孳傳傑幼嶷然自立

不習鄉井輕儇態嗜學嚅嚅羣言文辭龐蔚王龔傳十餘歲出就學使

者試學使者奇之由是聲名藉甚馮誌天啟甲子舉人王龔傳從其父

鴻猷之官延長時左右皆賊壘一統志傑帕首袴褶負弓矢前驅以

鞭稍叩壘門大呼曰我霸州舉子郝傑也從父之官過而假道於

若若許我幸甚不則請先死於此以頸血濺虎落矣賊壯其言許之顧傍賊曰趣爲我秣馬又曰饑矣趣飯飯我賊爲進酒食飲啗如流食已鼾睡鼻息撼壁壘賊魁騎而馳傑躍馬從之笑曰能乘是乎卽以騎予傑由是馬首所嚮羣賊辟易竟事亡誰何者及賊攻延長謀知假守者假道舉子也遂逡巡引去龔崇禎丁丑進士龔輔授太常寺博士甲申三月考選給事中未受命而賊破都城賊以僞官逼人傑懼汚僞命乃削髮居行人司中誓以死殉賊多其義而釋之乘間歸里王傳

皇清定鼎召收遺逸傑旣夙負重望且近在畿輔地因首膺

召命

馮誌

順治元年授行人尋遷戶科給事中

漢名臣傳念

國家初創必先爲根本計且民志不定則僭踰日生惟禮可以已之因上言宜開經筵祀闕里以示天下所先中云有一國者有一

國之規模有天下者有天下之規模

皇上爲天下主必紀綱定而朝廷尊滿洲貴人宜辨服章別儀從使漢人望而知敬漢官亦宜辨章服別儀從使滿人見而加禮疏上內外是之傑雖居言路未嘗撥拾人短長以沽直名凡有所言皆存忠厚開國之意時庶務未定廷臣有過無大小輒下刑部傑復上言曰法者天下之平也法量過以爲受則法行人知恩若罪無大小悉歸司寇則考功之法廢矣使天下士朝囚首而對簿暮冠帶而服官非所以尊體統而養廉恥也自是乃分別降罰先議而後請

旨羣下始無輕詣西曹者未幾江南平降臣蔡奕琛阮大鍼等咸冀錄用傑上疏謂奕琛以賄得內閣與大鍼等朋黨爲奸以亡江南易曰開國承家小人勿用正謂此也奕琛等宜黜退

馮誌

江南

新定宜急擇賢能早為除官又朝賀大典內監不得入班行禮俱

下部議行八年遷通政司參議九年遷光祿寺少卿尋授大理寺

正卿漢名臣傳時重囚不時報決傑請復熱審秋決舊例允之畿輔志十

二年擢戶部右侍郎漢名臣傳長子惟訥拜通政司右參議父子同朝

位躋九列憂其過盛不俟引年遽乞休蓬徑蕭然日危坐課子讀

書每至夜分風雨不少廢或故人偶集春黃梁觴白酒相顧微吟

胸中浩如也惟訥歷官少宰迎養京師輒不至偶一至信宿而去

惟諄諄以廉慎報國勗久之風疾微作惟訥擬請假歸侍傑止

之日已瘳矣既而幼子方執經於前端坐微笑而逝傑軀幹厚聳

廣頹疏髯人望之敬慕撫世酬物一以至誠不喜以疾言厲色加

人與人言稍及雌黃即亂以他語其律已端肅而儉樸王屋第不

容旋馬室無髹漆交牀坐器王熙郝恭定公墓誌銘惟訥在閩時閩人有以

計借入謁者傑被澣濯衣出見曰吾兒在閩其無罪于百姓乎人

生親老家貧多為不廉吏今吾藉先世資瘠薄田足餽粥吾勞於

此分祿以養其妻子所以勸為廉吏也見者備言治行則大喜王

平生事繼母倍孝內外無間言繼祖母張氏雙目失明年九十

病危傑扶持出入侍湯藥不少懈嫂李氏少寡馮誌以次子惟謙

為之子王傳康熙四年祀鄉賢畿輔志

惟訥字敏公母李太夫人孕時家有盜警夫人倉卒墜樓傷股忽

有老嫗詣門自言能療且日腹中兒當大貴吾并活之一手摩股

久之投藥少許骨格格有聲遂相屬胎竟不墜酬以金帛辭弗受

竟去不知所之池北偶談遂生惟訥為兒童嬉戲智出成人王熙

郝公墓誌銘順治四年進士授刑部主事歷遷員外郎漢名臣傳與父傑同

朝士大夫爭欣羨之畿輔唐志七年授福建督糧道漢名臣傳大兵下

順天府志

漳南糧運多阻惟訥督米萬石率舟師浮海達泉州一軍飽騰海

疆平王誌巨寇張自盛犯延邵惟訥設方略挫其鋒復用間離其

黨羽自盛就擒撫按交薦畿輔詩傳八召為通政司右參議歷太僕少

卿左通政陟大理寺卿戶部右侍郎王誌十五年調吏部左侍郎

康熙三年充會試副考官四年正月擢都御史二月疏言自巡按

奏裁地方巡視責歸督撫督撫任重事繁出巡動踰旬月恐誤公

事况騎從重多經過滋擾至屬官貪廉閭閻疾苦勢不能逐人逐

戶咨訪耳目仍寄司道所託得人則舉劾自真民隱自達請嗣後

事關重大者仍親身巡察餘概停下部議行八月疏言貪官逢赦

止免應得之罪仍革職追贓此定例也近有藐法肆貪累審成招

罪至應死者因赦免罪並交吏部議處竊思蠹役賊欸審實雖經

赦免仍行革役此輩身為職官饕餮狼籍未可令其玷名器貽害

地方雖新例赴部另補而貪殘所至播虐為均請飭部定議凡賊

欸審實者雖事在赦前止免應議之罪仍行革職庶官箴可肅民

害可除

上是其言五年遷工部尚書調刑部禮部八年四月調戶部十一

年調吏部尚書漢名臣傳杜絕請託奸胥不敢有所上下銓政以肅畿輔

唐兵興開捐納事例正途日壅惟訥為斟酌資格按缺分選銓法

稱平焉王誌言官論事實例不免惟訥議免之先後獲全者數人

既而疏請寬言路處分例謂從來治亂關於言路通塞優容而嘉

與猶恐讜言不至豈可因而加罪扶持正類皆此類也王誌銘

云十八年議惟訥奏稱言官奏事原不禁其風聞但風聞奏參審問全虛者

有處分例若不加以處分恐有借風聞挾私報怨者請仍照定例行

與墓誌銘詩傳互異竊以二說一持大體一防流弊或一時因事

納諫有此二疏茲惟訥精於吏事笑談立辨若無事者其所區畫

并錄其要略於此

處置人不能及王誌在朝廷持紀綱霸州志遇大事非惟訥不能決

常以疾在告大臣罷議以待王誌為八外和內剛性簡澹霸州志持

清操歷官三十餘年家無餘資一統志卒

賜祭葬如例諡恭定漢名臣傳從弟惟訓順治壬辰進士除徽州推官

擢御史巡鹽河東有惠政子士鈺以蔭官江南太平知府並祀鄉

賢畿輔唐志

韓元盛字心一通州人順治二年授山西甯武關陽方口守備修

城練兵報最擢利民參將時流寇餘孽竄伏交城山中元盛奉撫

檄往勦而大同總兵姜瓖忽據城叛利民失守元盛聞變還遇賊

被執脅降不屈扁之別室賊中有元盛舊卒因共謀誅賊次日元

盛懷利刃與賊語奮臂殲其魁舊卒并力持刀殺賊眾悉股栗受

約束遂復利民英親王統兵至元盛詣軍門謝罪左遷衡州府都

司致仕歸孫瑛官貴州甕安知縣通州高志

楊春茂字奎東昌平人崇禎十五年舉人會丁世變西北岌岌如

累卵春茂常撫劍太息或夜起旁皇四顧輒泣數行下甲申賊延

壽昌平乃倡義與同志之士賈勇迎戰縛其巨魁磔而祭諸陵聞

者快之

本朝定鼎初謁選得山西猗氏令猗當兵燹後城盡空春茂招集

流亡蠲其賦役興其種藝猗之民始獲蘇息尤善折獄摘姦燭弊

纖毫無遁情有某掾不法下牒拘之給云死矣知其詐拘益急昇

至堂下命杖之掾歛然起稽顙乞命一時吏民驚服謂李洛陽張

真源無以過也甫九月而報績擢工部屯田司主事去任日百姓

攀轅遮路累遷郎中監督兩審一錢不取尋以艱歸服闋補庫部

郎

上知其清介深嘉之丙申以副使轄甘州甘去京師數千里宦斯
土者皆苦之春茂束書數卷輕車就道到官接屬以和屬吏多武
人咸樂爲用有持金帛獻者必峻卻之或餽以苦菜一筐則欣然
受之人疑嗜菜餽者如織笑曰肉食者鄙昔人恥之范希文齋粥
固吾分也得此以給盤殮可勵清節人由是益知其廉以他故與
某中丞齟齬屢欲劾之中丞母讓之曰監司得人民之福也我數
聞楊公冰蘖聲汝身率僚屬有一賢吏而不能容獨不惜輿議耶
中丞悟而止甘肅地貧瘠例不輸丁銀後有增之者民以爲患春
茂力請得罷遠邇士民爭以羊酒爲壽頌不置口春茂無幾微德
色一以恩澤歸之

朝廷己亥正月七日忽嬰痰疾遂不起屬纊之日紳士哭於庭商
賈哭於途農夫哭於野下至販負小兒各焚楮錢泣拜其深得人

心如此

昌平志

子自牧

自牧字謙六號預菴

畿輔詩傳

沈酣風雅

詩觀

工吟詠不事舉子業

昌平志

詩英剴不落凡近得邊塞之氣居多

詩觀

與崑山顧亭林交最

善以蔭官江南婁縣丞著有潛籟軒詩集

昌平志

芮昌齡字與三寶坻人由歲貢任京衛武學訓導順治初徵授曲
周知縣時李賊所授僞官猶在聞昌齡名遁去入城密伺大猾之
爲賊訶者捕誅之乃繕城列堡修荒政招流民大兵方駐廣平刻
日輦芻糧輸之兵藉以濟擢知商州州城七破於賊衙舍俱廢雞
犬無聲昌齡至設法招徠入城者方得五六十家而賀珍之亂又
作乃能激厲其民與之堅守賊引去因請於陝督孟公假兵三千
俘一隻虎賊黨兩院交薦再轉廬州同知駐無爲州會有丈洲池
之役還至泥汭鎮聞土賊伺間攻城急遣水兵數道分擊大破之

擒其渠蕭鳳鳴邢老虎等兼攝巢篆殺撫殘黎緩征恤獄諸務就理己丑

召見遂請假不復出構小軒名曰靜致與子弟讀書其中居久之

卒寶坻洪志

駱養性字太和大興人明季北略故明錦衣衛指揮使崇禎時熊

開元姜埰以言事下錦衣獄寶坻洪志一夕漏下二鼓一小中官持

懷宗御筆至池北偶談諭養性取二犯絕命養性附奏繳御筆謂

言官有罪當明正典刑今以昏夜殺二諫臣寶坻洪志則天下皆畏

臣衙門之刑不畏陛下之法汪有典熊臣不敢奉詔池北偶談帝

意亦解二臣遂免

本朝順治二年授養性天津總督奏請田賦悉照明代原額其遼餉五百萬新餉九百萬練餉七百三十萬一概刪除得

旨允行寶坻洪志

王勗字次重大興人應童子試時授知於督學左光斗左遭瑞禍

陰左右之左死號呼當路請葬謚嘗慕黃道周之為人性耿介不

與時合順治十六年進士選庶吉士授編修文章高古書法學顏

魯公上下古今議論疊疊卒之日貧無以殮云大興張志

李可楨字克生別號坦齋武清人年十四補諸生屢應省試被黜

遂絕意進取縱情詩古文詞寢饋經史探索本末源流下筆自成

體格一時碑版之文咸倚重焉所著有伐檀集寶德堂詩集為藝

林所推許平生慮事有先識當明季時關寇起京畿南北所在驛

騷可楨卜居城西偏為避亂計毀家發粟周給貧乏每約誠邑里

少年各自守法無習為暴時他郡邑多煽亂不逞而武清獨帖然

本朝定鼎遣將撲滅羣寇有他盜扳誣武清人者可楨毅然詣幕

府陳邑民無辜狀且館弁帥於家乘間周旋調護之凡被繫者悉得釋卒年七十有四子煒

坦齋李公墓誌

煒字峻公別號浣廬康熙三年舉人由中書出任饒州同知甫三月丁內艱歸服闋擢補戶部山東司員外郎轉兵部車駕司郎中精勤蒞事丙寅秋東兗道缺員九卿會推其才遂膺是命及履任激濁揚清政教畢舉己巳春陞廣東按察使時

聖駕南巡閱河煒司督繚朝夕扈從

上親詢官職姓名

命賜果品抵粵痛洗從前錮習有陵水令楊某者素淫橫事發輦數千金寘其門冀求釋煒卻不納卒申以法而性尤慈慎遇命案必再四閱實如部民歐陽元開與黃姓爭田訐告因謀殺其族人歐陽世瞻冀圖害黃府縣疊審反坐罪於世瞻之兄與姪煒燭其

寃遂得平反聞者悚服庚午陞湖北布政使旋丁外艱癸酉補安徽布政使將之任詣

暢春苑請

聖訓諭云人臣之道惟誠與廉爾果能以治粵者治吳則得之矣煒念江左民力久困因嚴飭有司減火耗禁私派慎平編裕積貯不三年令布風行江南北多利賴之丙子秋擢山東巡撫臨行士民繪清畏堂圖以贈路旁攀轅而留者數千百人東省地曠民頑素稱難治煒以爲思安民莫若察吏察吏莫若潔躬適有陽穀令具千金請託煒曰此民間脂膏也奈何欲污我因斥譴之由是大僚屬罔敢干以私者戊寅春以望誤罷歸己卯冬

上念畿南水患議修永定河隄爲萬世利煒倡先捐貲復親督畚鍤工既竣

上心甚悅勅部從優議敘卒年六十

李中丞傳

趙明徵字哲公其先吳人祖光遠以醫名明神宗朝為侍直始遷大興父士通精於易著易圖說學者稱潛夫先生明徵自束髮出語即驚其長者士通慕沈青霞之為人學其畫梅往往奪其真然頗自秘惜一日畫一枝於縑素自題絕句云桃杏色相別李柰性不同一發寒香後四子稱下風以授明徵明徵受而藏之益自刻勵甲申李自成犯京師明徵扶母胡抱姪篋避臺溪廠胡坐淺水中日急則就深死一賊馳馬過之明徵以身翼母而蔽篋於右腋賊射明徵中胸忍痛拔矢曰兒無恙也力持母起匿他所以免鼎革後士通卜居濟南顧謂明徵曰吾東西南北之人也顧西山坵墓在焉子歸矣其代我伏臘祭祀無缺明徵於是獨歸京師奉祀事歲時集諸父昆弟祭畢而觴曰吾有親而離居為祀先也後之

子若孫日即於疏祀或不畢集憂喜慶弔或不相往來合族之義其謂之何嗣是修祀事唯謹族用敦睦士通兄士美業岐黃老而貧明徵構室備藥物家具以娛其老友劉國亮貧士也病且死泣謂明徵曰吾母年七十吾又無子天乎奈何誰養吾母者明徵撫之曰吾與君為友子母吾母吾在子何戚即子不言吾已心許之古人不忘夙諾尚掛劍墓樹而况託子以母乎劉死葬之養母於家終其身以是孝義之名聞都下順治十一年與兄吉徵同舉順天鄉試明年不第省父母濟南丁酉遊江甯病卒年三十有七

王士正趙君墓誌銘

丁林聲通州人性穎敏髫年工文章

通州高志

順治初舉人任慶符令

地經變亂人民離散林聲抵任後招徠撫綏

畿輔唐志七十四

流民漸集

令民開墾無力者給以牛種邑向苦楠木差役力請豁免慶符鮮

科名林聲爲新學校勤考課遂有獲雋者士民爭感其德雍正二年祀鄉賢通州高志

王世德字克承始祖玉明洪武中自無錫遷北平從靖難之師陣亡於白溝河襲錦衣衛指揮僉事世德少襲世職崇禎末天下大亂人主孤立於上朝臣方持門戶競爲朋黨不復以國事爲意世德慨然謂人曰今天下有大弊四蔽亂保邦須經紀才制科以虛交取之所取非所用弊一廷臣日以門戶恩讐相傾軋賢者不免弊二右文左武刀筆吏得持將帥短長弊三三營官軍詭寄糜餉者什八九倉卒有變不知何以待之弊四將上書極言不果平居鬱鬱不自得甲申三月李自成陷京師世德方徼巡北城拔刀將引決僕楊坤抱持奮力挽馬趨金剛寺是時妻魏已率諸婦女赴井死寺中僧素善世德相持而哭以僧服進遂祝髮聞道奔淮南

僑居安宜以霸臯名其居因以自號與梁鶴林以樟卜鄰偕隱所與遊皆逸民高衲嘗憤野史誣罔不可傳信後世歎歎扼腕奮筆作崇禎遺錄凡野史之謬者正之遺者補之頗勝他說遂卒於淮南康熙十八年

詔修明史徵遺書四方有司錄其副上

史館子源王士正霸臯先生墓誌銘

源字崑繩方苞王號或菴北學少從其父任俠喜言兵北學慕漢

諸葛孔明王文成之爲人善古文微存於文章自謂左邱明太史

公韓退之外無肯北面者王崑繩傳徐尙書乾學開書局於洞庭山招

源往獨與劉獻廷善日討論天地陰陽之變伯王大略方域要害

近代人才邪正意見皆相同云顏氏學行記蠡縣李塉見其文盡棄少

作而學焉博野顏元講學於鄉里其本在忍嗜欲苦筋力以勤家

而養親而以其餘習六藝講世務備天下國家之用以是為孔子之學自別於程朱源一見大說與摅同師事之徵存終日正衣冠

對僕隸必肅恭然自負經世之略益堅每日吾所學乃今始可見

之行事非虛語也年四十餘以家貧父老始遊京師備筆墨王崑

徐相國元文賓禮之諸公排纂經史必就質焉先正皆降爵齒而

與之交與四明萬斯同訂明史稿兵志源所作也幾輔唐志或病

其不習時文笑曰是尙需學而能乎因就有司求試舉京兆第四

人李剛主先然嘗自謂非其意北學曰吾寄焉以為不知己者詎

病也源以貧無資不能不託迹公卿間而常以自鄙未嘗降辭色

或極飲大醉嘲謔罵譏中其所忌諱諸公用此陽禮貌之而陰擯

焉源雖好氣其於人果有善未嘗不降心王崑與方苞交最篤嘗

與苞論顏元之學為言程朱之所以失顏之所以得曰子篤信程

朱恨不能破子之迷也苞曰程朱未嘗不有事於此也但凡此乃

道之法迹耳使不由靜敬以探其源則於性命之理知之不真而

發於身心施於天下國家者不能曲得其次序源色變為默然久

之自是終其身口未嘗非程朱李剛主先生平內行篤修其兄死

旬歲中貌若非人先正五十後葬其親王崑遂漫遊將求名山大

川以隱身焉雖妻子不知所之李剛主先見人不自道其姓名逾

六十復歸往來金陵淮揚間客死山陽卒之夕神色傲然無一語

及家事著有易傳十卷平書二卷兵論二卷居業堂文集王崑

劉永嘉字天申密雲人監生行誼為時所重提督某延之課讀或

有以重金求其闕說者驚曰賂可受乎卒不取後某罷官幕中多

株連獨永嘉名不在籍中密雲

袁懋功字九敘香河人父邦化明山西沁水丞幾輔唐志值流寇

亂兵火之後代攝縣事撫恤招徠政績甚著直指特疏薦舉以親

老辭歸

香河志

懋功順治二年進士

畿輔志

授禮科給事中

漢名

建白

皆關大計

畿輔志

疏請慎簡學官磨勘文體釐定禮制又以前明廢

官援

恩詔踵至雜流奔競妄希進用請命吏部會同都察院嚴核才品並停各省撫按舉送皆得

旨如所請四月七月調刑科先是

上允刑部侍郎黨崇雅請定朝審熱審之制所司尙未奉行懋功復言之

詔申飭所司十二月調戶科五年遷刑科給事中八年疏言浙江織造局舊設機戶擇富民充之吏胥誅求爲累民間至破產求脫請飭令禁止疏下部議革機戶名官買絲募工匠織作十年集議

總兵在珍罪隨大學士陳名夏胡世安等以兩議上坐黨附論流徒奉

旨從寬鑄一級罰歲俸是年擢太常寺少卿累遷至通政使十二年擢刑部侍郎尋調吏部十三年以戶部援

恩詔議豁員外郎朱世德虧缺額稅吏部扶同議奏部臣降革有差懋功降光祿寺少卿十六年二月擢左副都御史七月請命禮臣詳議歲暮禘祭之禮

上是其言舊直隸武鄉試巡撫主之惟隸京衛者試于兵部至是因懋功請令彙送兵部試騎射技勇用翰林官爲主考試策論十二月擢戶部右侍郎十七年上澄敘廷臣三品以上者有

旨袁懋功才品敏練以要地巡撫用尋授雲南巡撫

特旨許以參將一員隨贊戎務賜袍馬並帑金三千兩皆異數也

懋功至滇恩信周布畿輔唐志時雲南新闢令降兵歸農其久橫鄉里者懼仇人不敢歸懋功慮其復為賊盜疏請令隨在入籍無主之田任其開墾編保甲以時稽察復請令土官子弟赴學官訓課其優者並許應試滇省在明初駐軍屯田計畝抵餉其後兵不耕而鬻諸民輸糧於衛所每畝以四斗有奇為額至是改隸州縣仍名屯田按額征之視民賦重懋功奏請酌減糧額並言屯田近城邑者可輸糧州縣其山阻路遙如楊林諸所宜仍設衛征糧增廣各州縣額設夫役以供輸運又言滇地高下參差丈量田畝雖一州一邑動經歲月請停派京官履勘諸疏均下部議行康熙六年以父憂歸九年起授山東巡撫漢名臣傳陸辭復賜蟒服鞍馬在任仁慈廉靜正已率下一如撫滇時香河劉志十年五月以濟南諸府屬五十六州縣衛新墾地被水請展限一年起科

部議不准

聖祖仁皇帝命如所請七年浙江巡撫范承謨病調懋功代之未行仍命各留原任十月懋功卒

賜祭葬如例諡清獻漢名臣傳山左士民公請崇祀名宦十一年本學

諸生周溥鄉民魏延年等公呈督學題請崇祀鄉賢香河劉志兄懋德

字六完畿輔唐志幼以孝友聞事父情意肫篤父偶小怒即踣蹠不甯

百方解喻否則邀親友相與盤桓必父愉懌乃安父沒哀毀骨立

與懋功友愛甚摯懋功卒懋德方會客聞訃慟哭踣地絕而復甦

座客俱揮淚而散香河劉志以歲貢生官至通政使居鄉以德行稱並

祀鄉賢畿輔唐志

楊璜字半玉號澹若宛平人順治三年進士與弟璿馳名都下稱二楊比之二陸登第授刑科給事中會日食上言辭多切直罪幾

不測以新進言官得寬假先是中外考試官皆由部院考取璜疏言非體宜改其制由

上定從之繼陞戶部給事中念

國家取民之數不可不惜籍不定則病民其匪頒賚予不可不嚴籍不定則又以病國於是籌多寡出入之數按簿書立經制革關梁弊政監於前明以裕國恤民為務其條畫創建至今見諸施行者不可枚舉顧恒焚諫草故事載

國史家乘不傳其意方欲澄清積弊盡去官吏蠹食之奸然不得竟行其志也左遷補金吾經歷人皆惜之璜曰大小皆朝廷之官唯盡職而已拜

命四日隨丁外艱歸遂不復出家居五年卒

宛平王志

璜字執玉明崇禎癸未進士生而聰穎博極古今初授禮部主政

陞任陝西學道僉事力杜倖竇有冰清玉潔之稱及備兵雲中值姜瓖變大兵西征委璜攝巡撫事籌畫調度姜瓖授首招集殘黎士民得所為東萊道時值防兵以重遷鼓譟擁入道署璜慨然登堂曉以大義兵皆投戈感泣反側以消擢轉太常卿歷左右通政

卒

宛平王志

朱之弼字右君號幼菴大興人

畿輔詩傳三

順治二年進士選授禮科

給事中歷遷工科都給事中己丑分校禮闈得人最盛踰一年丁外艱服闋補戶科都給事中讜直端亮著聲於朝廷累月之間章數十上雖城社狐鼠之姦苟利國家不避也所言重名器以尊朝廷革久役以清弊蠹嚴禁派糧積弊及糧船私載事皆施行其論破積習以圖實效

櫛園朱公墓誌銘

言國家章程大備六部各有成書儻

部臣實心任事利自知舉弊自知革言官不過拾遺補闕而已六

部任事之人視國事如家事猶恐廢弛今則盡若事外疑事畏事之念多任勞任怨之意少事稍重大則請會議遷延日月行查而已不然聽督撫參奏科道指糾而已不然苟且塞責無容再議而已臣愚謂今日之治惟在擇人而久任責成效以定賞罰以行法伏乞

皇上面召諸大臣親試才品因能授任復考其歷事後興利幾何

視成效多少以定功罪行賞罰無少姑息則人知法之必行而事

舉矣漢名臣傳未幾除太常少卿歷右通政宗人府丞擢戶部右侍郎

其明年以公事貶官十五年補光祿少卿轉通政司右參議明年

以左參議擢都察院左副都御史朱公墓誌銘疏言巡按未得其人其

要惟責成都御史嚴加考核而已巡按之賢不肖即堂官之賢不

肖臣請與同堂諸官暨諸御史約一曰操守潔清毋貪污不法一

曰舉劾得宜毋賢否混淆一曰撫按互糾毋瞻徇督撫若臣等定

差不公考核不當巡按尤異而不特薦敗類而不特參諸御史亦

得糾臣所以交相勸誡者如此至於巡方應行事宜御史親歷其

事見聞必確應責掌河南道會同十四道各抒見聞孰為興利除

弊之事詳悉陳奏敕部院諸臣定為畫一奏請

睿裁然後刊刻成書永遠遵行下部院議從之漢名臣傳是時

世祖方嚴懲貪之典凡貪官得贓十兩以上流徙塞北著為令墓誌

之弼言此令出撫按所糾必無以大貪入告者何則一經提問

有司無不求減贓罪圖免身命雖累千萬期不滿十金而止然則

有嚴令之名無嚴令之實也

皇上但擇撫按一大貪者懲之撫按一大廉者獎之眾貪者懼眾

廉奮矣夏大旱因奏前山東撫臣耿焯河南撫臣賈漢復墾荒不

實歲增數十萬之賦百姓重困怨苦之氣積為沴厲宜加勘豁河南報災戶部言六月內旱

皇上步禱甘霖大需處處有秋何以彰德衛輝獨請蠲恤有

旨覆勘之彌固爭以為地有竄隆澤有羸縮雨露所滋豈無枯槁

因極言覆勘無益與戶部尚書王宏祚力爭於朝宏祚辭卒屈畿輔

詩傳尋遷戶部右侍郎康熙二年轉左三年充武會試副考官四

年調吏部左侍郎五年七月擢左都御史十月轉工部尚書六年

五月疏言閩省官兵每年所需月米除徵米十萬二千餘石外買

米四十餘萬石每石價銀二兩四錢朝廷買米養兵絕不虧短損

民價恩至厚矣臣聞延建汀邵苦於買米之攤賠有願繳田入官

者漳泉之間逐日按地畝均派方司餉未到日借派者有借竟無

還也及司餉既到日均補均補者謂餉米不敷按畝攤派也又巧

立名色日預徵預徵先事而派也各縣派米於民每石必加六斗

又不令納米折價三四兩不等是數倍於正供也請飭該督撫查

究夙弊庶免朘削百姓之苦漢名臣傳

天子下詔切責督撫大吏大吏以下多得罪閩中積弊遂革墓誌銘

七年調刑部尚書漢名臣傳既為大司寇則請旗下軫恤家人更定私

嫁之條俾免離析請免康熙七年酌省存留錢糧以紓百姓墓誌銘

又言貪蠹法非不嚴而貪汚仍敢肆行者恃與受同罪之例與者

不敢質證耳請嗣後因事賄賂者照例同罪如因逼抑出錢儻非

官役仍照舊例庶過證與錢者得吐實情而國法伸矣

詔並如所請九年調兵部尚書二十二年會推按察使之弼首舉

道員王垓

上以所舉非材交部察議降三級調用漢名臣傳或勸之自明之弼曰

吾昨一歲四遷不以無功辭今甫一謫遂以無過自白乎遂歸老于家

畿輔詩傳三

康熙丁卯十月以疾卒年六十有七嘗買妾詢其為

士人女也弗御而嫁之年十六讀書塾中聞鄰有哭聲以貧甚將

鬻其子為之醵金代贖家居課兒講誦經史暇或策杖逍遙郭外

寄興詩酒人未見其有愠容子三人長儼刑部陝西清吏司郎中

次侗候補內閣中書舍人次价官監生出為弟之佐後

墓誌

之佐字左人幼孤依伯兄之孺兼師友教誨

大興張志

自延師受室及

居處服御皆為辦治自少至老每食未嘗不共順治十四年進士

改庶吉士歷官至翰林院侍讀學士居恒肆力古學不妄交遊好

先儒語錄沈潛研討粹然一出於正與蘇少詹亮工為性命交丁

未分校會元黃仍緒狀元繆彤皆出其門雖踐清華自處若寒素

良辰令節不事聲伎宴飲寂處書齋與二三名儒講道不輟至嚴

事伯兄教姪如子惠及宗黨多仁人長者之行

大興張志

劉樾字玉壘大城人

一統志

順治三年進士試奏議於

午門授戶科給事中會大計撫按糾舉多不以實樾輒拾遺論之

畿輔唐志七十一

疏言頃見撫院參劾嚴小吏而寬大員非有司多不肖

而道府多賢也勢位漸崇情面難破即如青州道韓昭宣受賄縱

釋叛賊多至十四人巡撫楊聲遠僅議令住俸勦賊罰不蔽辜請

下部飭究昭宣坐禠責四年轉兵科右給事中以秦州遊擊潘延

吉棄城遁劾江南巡按宋調元濫舉失當調元亦坐革職是年樾

循大計拾遺例揭山東聊城知縣張守廉贓欵吏部奏令所司劾

議以守廉僅失察吏役罰俸三月樾誣贓坐革職十年正月吏科

給事中魏家樞疏奏行大計拾遺例且言順治四年

上未親政科臣劉樾糾拾坐誣禠革于法未為平允得

旨糾拾反坐言官壞吏治塞言路以後科道糾拾官卽準大計例
議處如科道挾私妄糾許吏部都察院指實參奏又

諭曰吏役詐贓知縣全無覺察僅議罰俸言官反議革職劉樾明
有冤抑其令吏部察奏奏上

命以原官起用六月授兵科給事中十年充福建副考官十一年
五月疏言近畿水澇之後地畝可耕方春農事尤急請飭撫臣檄
州縣於存留銀內酌借災黎以備籽種俟秋成後照數償官仍飭
親履鄉村察核不使假手吏胥使民得沾實惠十二年五月因復
設巡按御史條上四事一舉劾無徇虛名宜進惴惴吏而抑巧宦
一禁交約以清賄賂之原一提問無致稽遲貽累一慎關防無使
幕役叢弊疏皆下部院行之是月疏言海賊鄭成功蹂躪漳泉窺
伺省會臣前奉使入閩詢悉地勢福清之鎮東衛明時曾駐兵防

倭儻復舊制可以保障長樂可以藩衛會城又宋元以來設州治
於海壇島明初以倭患棄之若設將鎮守與鎮東互爲犄角仙霞
嶺乃入閩門戶與江西浙江接壤易于藏奸宜設官控制招民以
實其地使賊無隙可乘又海賊易犯京口皆泊平洋沙爲巢穴若
乘賊未至移官兵駐鎮其地賊旣退無可據必不敢深入內地疏
旣下各督撫酌議以海賊分道入寇請敕鎮海將軍石廷柱等驅
勦後分別駐守十三年授山西河東道十五年轉河南鹽驛道明
年遷湖廣按察使尋擢本省布政使漢名臣傳三省大帥會勦楚西山
巨寇日需芻糗數十萬民苦輓餽中途多逸督撫屬榷督運攀藤
緣谷履穿衣裂寢食荒榛宿莽中民感其勤勞爭負以赴運寇平
畿輔唐志總督張長庚巡撫楊茂勳交章薦其操守廉潔才識精
七十一詳協滇黔兵餉至八百餘萬并清逋賦墾地及除鼓鑄積弊數事

疏下部會樞丁母憂回籍康熙二年服闋補江西布政使漢名傳

吳耿變作賊犯吉安南昌兵民譟巡撫門勢且叵測捷單騎諭解

之一統志十四年內陞太常寺卿十六年遷大理寺卿明年三月擢

都御史五月疏言自吳逆叛亂軍需旁午大計暫停恐法紀久弛

人情易玩今大兵所至漸次蕩平直省督撫絕無舉劾多以軍需

未竣為辭伏思兵燹之後殘壞已極正賴賢有司招來安輯潔已

奉公若使不肖者滋擾何以澄吏治奠民生息盜賊請令督撫速

行舉劾凡經保舉各官或改行易操一體嚴察不得徇徇干咎

上是其言下部如所請行明年四月病劇乞休五月卒于家漢名臣傳

賜諡端敏子祭葬康熙二十二年崇祀鄉賢畿輔志

劉克家畿輔志號振夫順天保定人戶部北新樞關順治三年進

士授中書舍人畿輔志轉戶部山東清吏司主事兩奉

欽差權北新關滸墅關剔弊惠商兩地稱為慈父並有德政去思

碑記保定成志遷員外郎累官廣東僉事告歸性孝友事親愛敬兼至

喪葬盡誠兄貧為之置產贍養弟早亡擇嗣令成立時咸稱其義

畿輔志友人程樂善死代治殮具閩國士久病供藥餌不缺王麟圖

卒缺葬地乃擇己地以葬且顧恤其後人家僕劉安祿服毒斃迹

涉李喜所致李喜舉家方驚惶無措既而毫不波及人咸服其德

量保定成志邑以堤決被水民人絕食多方賑助鄉里德之畿輔志凡邑

中利害所繫即拮据自任保定成志戊戌秋有以省費裁併小縣之文

克家方在告乃有十不可裁之議一天下有州縣各分邑而理縣

屬皆封疆不宜輕損一邑東西兩淀保定居中彈壓大有關係一

邑治居十五河漕流堤係三邑性命無官則關會失宜築防失時

必致疏虞一邑去文安四十餘里歸之文則百姓田婚糧差不勝

跋涉之苦且深隔膜之傷一保定臨大河舟楫之地無官則水路之私鹽任其往來而陸路之操戈車載地棍勾連誰與稽察緝捕一保地從無綠林之警裁縣成村盜賊往來借為窩巢文推之霸則霸受累霸推之文則文受累兩相推而各為隱匿之術勢必多事一立縣設官為地方為百姓非為官也地方土瘠民貧官何得有富豈可以官窮遂令百姓無主一保邑事簡民醕易於見德官此地者從無錢糧盜賊之累

朝廷愛惜人才則此地為人才培養之地又何可少一縣明有執法之官則幽有司土之神如風雲雷雨山川社稷城隍皆上帝分司以答陽治一旦議併不但使百姓失父母之邦而令各神斬此血食何為也一官吏俸薪工食祭祀等銀不過數百兩而已朝廷賑民修築動經數十萬天下小縣亦多豈得盡裁即裁能省

幾何使百姓流離失所當非

聖主愛民之意劉克家上霸州道傅夢顛乃以所議出結撫院復

疏照舊云保定卒祀鄉賢畿輔弟克讓

克讓性孝友明季之亂弟兄分散奔走亂甫定兄弟畢集獨不見克家克讓乃大哭曰二兄不來多陷入軍中若有不虞吾何用獨生為於是昏夜辭母曰兒去尋兒母當自重兒不見兒兒不還矣遂去不知所之後克家歸而克讓音息杳然矣克家每一念及輒流涕不止久乃為之立嗣云保定

楊三知字伯筠良鄉人一統順治三年進士任榆次縣知縣良鄉

有惠政擢兵部主事畿輔唐志七十六陞本部郎中良鄉累遷神木道會

提督王輔臣反邊將朱龍應之三知方以代覲還抵保德或止之日事亟矣公無渡河三知不聽抵鎮日夜為守禦計畿輔而守將

孫崇雅開門納賊執三知命之降不從眾拔刃相擬脅取勅印又不與一統志賊擁之至署三知給賊出急呼妻妾子婦悉投井中三

知別赴一井賊偵之急負出之右臂已折而不死大罵賊不絕口賊閉之一室令卒環守仍誘之降一日夜不從賊怒闖扉驅人出

其卒在戶外聞指擊聲殷殷震牆屋三知罵賊聲乍高乍下久之寂然賊啟扉去則三知已死其室無完器三知體亦無甚傷不知

三知若何死也事平贈光祿寺少卿廕一子畿輔唐志

王景祚字振公號迂叟文安人畿輔詩傳三其五世祖所謂王孝子原

者也吳正治王父守明以德行舉鄉飲大賓畿輔唐志景祚順治二年進士畿輔詩傳授山西太原府推官太原省會地事繁劇前任以不職罷去案牘充棟景祚以旬日了之撫軍祝世昌大喜凡府省大案

及文武薦覈皆決於景祚已而姜瓖叛大同人心恟懼一日數驚撫軍以景祚攝甯武道以扼其吭景祚疾驅赴之未至已為賊據

即馳歸議城守而賊騎數十萬連營結寨進逼太原時人心益驚擾景祚方從容畫計神氣殊閒雅會有蒙古兵防邊撤回途經太原

原頒供頓以部牌至景祚笑曰破賊之策在是矣例兵馬不入城景祚與撫軍議以計致之已而徘徊欲去撫軍及藩臬固留之不

可得景祚奮袂進曰賊騎臨城人心危懼公為大將見賊不討而欲倡逃乎大軍一動勢必奔潰失地之罪將有攸歸將軍曰烏合

之眾破之不難但非我職奈何景祚曰人臣無職誅逆其職誠撲逆賊安全境土下拯赤子之難而上不貽君父之憂此將軍之所

以盡其職也將軍曰然明日遂出師景祚介冑以從與賊戰於晉祠西大破之斬首數萬追奔數十里至其所據城下拔其城賊遁

祠西大破之斬首數萬追奔數十里至其所據城下拔其城賊遁

去將軍以軍法屠城景祚跪而請曰變肇於逆民脇從耳活此數萬人皆將軍賜遂止已而

王師西下汾水暴漲無船議爲橋以濟檄太原榆次兩縣兩縣辭以水勢洶湧橋不可成撫軍目之曰以此累君景祚設方略爲之橋連成而師濟賊平治其黨所速引幾數百家下景祚鞠之所平反者甚衆甯武饑人相食景祚賑之而饑者蜂起擁馬首令不克濟時甯武倉軍儲數千石不暇請卽日發之曰活此數萬之命罷予一人之官且甘心焉旣反命撫軍大喜疏

奏之報曰可當是時名震三晉兩院薦劄皆第一壬辰內擢授廣東道監察御史巡視西城所言皆國計民生諸大事明年奉

命巡湖北屬吏有不飭者聞風改操西山賊出掠官軍追之獲婦女數千口景祚勒令放還軍無一人明年補山東左參議備兵東

突榆園盜起結謀窺城邑山東河南直隸三省會勦莫能除標將孫維統沈勇有略景祚專任之授以機宜踰旬而斬賊帥以獻黨皆奔散隨草弭盜急著一疏請兵駐防以善其後乙未歲大饑直省流人入境丐食會逃人之禁方嚴各府懼不敢納景祚慨然曰流民亦吾民也避星誤而輕人之死何忍耶嚴飭屬吏安集高唐刺史佟年首奉令招集數百家卽首薦餘屬爭相倣效流民乃安丙申父卒以憂去官己亥起補杭嘉湖道未逾月上諭取直省監司名最在後特奉內陞之

詔庚子遷太常寺少卿遣祀南嶽轉通政使司右通政尋轉左通政司封駁侃侃正言無所避在銀臺者七年丁未轉都察院協理院事左僉都御史尋陞奉天府尹景祚至奉天輯和滿漢軍民各

順天府志卷之九
安其所無間言先是遷徙人口隸各牛彖下景祚特疏請歸州縣
遼左舊不榷鹽有豪商叩閭請行下景祚議景祚卽日下疏言遼
左不榷鹽者實有遠慮一旦創舉恐滋後日之擾奉

旨罷之辛亥陞大理寺卿素名法司而權多在部院景祚親閱爰
書大案多所駁正一時權貴歛手風節凜然壬子扈耕藉田以病

失儀左遷乙卯補鴻臚卿明年春請告回籍王大廷尉傳景祚清慎廉

介歷官三十年不異寒素康熙七年河決文安濱河地多不可耕

疏請豁免民賴以利畿輔唐志年七十卒著有用拙山房草若干卷父

子並祀鄉賢畿輔詩傳

林起龍大興人順治三年進士授吏科給事中疏請嚴禁白蓮大
成混元無爲等邪教務絕根株俾閭閻勿惑聽聞又以守令得人
則教養行而下向化請以招流亡懇荒蕪巡阡陌勸樹藝稽戶口

均賦稅輕徭役除盜賊抑豪強懲衙蠹賑災患濟孤寡修濬溝池
平治橋梁興舉學校十五事攷其殿最而大吏以時訪察俱如所
奏行四年正月劾山東巡撫丁文盛庸劣無能盜寇充斥因薦大
理寺卿王永吉可代文盛下部議以起龍狗情薦舉降二級外用
尋坐誣劾登州道楊雲鶴贓款擬革職

世祖章皇帝親政覽前奏以起龍因彈劾不實罷廢尚非品行玷
缺者比詔來京候

旨復原官時軍旅數出需餉孔繁未暇講求積貯而八旗禁兵所
得月餉僅堪餬口起龍請勅司計諸臣悉心籌畫先實京倉以及
近輔各省倉儲務使水旱有備調發裕如又言昔年兵在盛京無
餉而富今在京師有餉而貧揆之時地迥異法制尙宜更定凡駐
守征行所需馬匹草束軍裝戎器悉動官帑估值分給俾籌備有

資無致拮据疏入

上諭吏部曰滿洲兵建功最多資生無策十年以來章奏未有言及此者林起龍所奏思慮周詳條畫有緒實心爲國忠誠可嘉嗣後有關政治民生利害與革者言官俱宜直陳無隱如果有裨政事朕不靳懋賞

諭部議敘以五品京堂用起龍懇留任奉

旨加銜仍原職十一年轉刑科加大理寺卿銜疏陳州縣官媚事上司耗費不貲狀乞嚴飭禁革並請遣廉能大吏巡行各省體察情形延訪利弊疏皆稱

旨飭部議行復疏劾總河楊方興用賄署官侵剋工料不塞決口致河北盡遭淹沒工部尙書劉昌不行糾劾乃議令督撫詳勘九河故道稽延時日冀爲方興掩罪事下王大臣訊鞫起龍與方興

昌面質無實坐杖流

上特宥之改降三級調用補光祿寺署正明年諭吏部列科道因言降革者以奏起龍得授大理寺寺丞十三年游擢右通政大理寺卿工部侍郎十五年調戶部左侍郎總督倉場明年三月加太子太保七月考滿廕子入監八月請更定綠旗兵制使兵馬器械無虛額訓練行伍非具文留有用之兵裁無實之費取材技于武科責愛養于總帥章下所司議行十七年加太子太保兵部尙書銜巡撫鳳陽先是立懲貪例官吏犯贓照輕重科罪不許納贖至是起龍請仍舊章收贖充餉

上命九卿科道會議從所請

諭曰立法止貪今因濟餉而貸法如民生何所奏俱不合仍前例行

聖祖仁皇帝嗣統授起龍漕運總督康熙元年疏請豁免東海遷居民所遺地糧報可又疏濬涇河開淮城迤南運河七十餘里直達射陽湖近海田廬免患下部知之五年上言漕運倚於河防濟甯臨清一帶勢雖建瓴泉湖蓄洩隄閘鱗次請飭有司修築俾無廢缺淺阻又疏禁運兵毋得病民運弁毋得病丁條議以上請旨頒行時江南浙江省蘇松常嘉湖等府穀賤白糧折征舊額浮于市價請改征本色

上並納其言初起龍奏禁運丁多攜貨物遲滯漕運令沿途監司節次稽察儀徵瓜州責之總漕及漕儲道淮安責之淮安道濟甯責之濟甯總河及濟甯道天津責之倉場及催漕分司以專責成會裁漕儲道糧艘至儀徵瓜州起龍不復委員稽察至濟甯運丁有額外攜貨者事覺總河盧崇峻具疏舉報部臣令起龍咨送盤驗不實諸職名起龍以道員既裁申覆六年四月御史張志尹糾其不自引罪巧言支飾

上命起龍回奏起龍謝溺職乞賜罷斥下部議坐失察

命降三級休致以疾卒於家

漢名臣傳

王崇簡字敬哉宛平人崇禎進士

一統志

父受明陝西布政使司右

布政萬麻中進士初仕潞安府推官以清節著一府人稱之曰王

青天但飲潞安水耳

禮部尚書王公行狀

崇簡善屬文旁及詩歌古文辭皆

優爲之相繼受知於國子監司業張鼐提學御史左光斗二公素

名知人每見崇簡文輒歎曰此公輔器也值流賊破京師遂挈其

家播遷東南久之始歸

堯峯文鈔

世祖順治二年以順天學政曹溶薦補選庶吉士

漢名臣傳

尋除秘書

院檢討

畿輔唐志七十一

歷侍讀學士遷詹事府少詹事兼侍讀學士以

疾請告十二月刑部右侍郎戴明說薦崇簡可大用

世祖素知之遂起於家其明年以原官兼宏文院侍講學士遷

國史院學士

禮部尚書王公行狀

時子熙亦官宏文院學士

世祖章皇帝曰父子同官臣鄰希覩然肩隨齒列恐有未安因擢

崇簡爲禮部侍郎陞尚書加太子太保

畿輔唐志

崇簡自爲諸生卽肆

力於學日誦記數千言自經史諸子百氏無不貫穿每考論古今

治亂興廢之故輒慨然有志當世益務爲經濟有用之術在宏文

院

詔察明季殉難諸臣始末崇簡疏言在內如東閣大學士范景文

以下二十有三人在外如山西巡撫都御史蔡懋德等五人或以

其身仗節死或父母兄弟婦子相隨死或家人闔門大小俱死其

忠烈相同宜並賜褒揚以廣作忠之典疏旣上時論悉以爲允及

在禮部感

上知遇益盡心於職掌會御史乞更定帝王廟祀典崇簡疏言廟

祀自前明迄於

本朝曾經增定皆祀從來開創帝王功業顯著者至於守成令主

槩不及與中間如商之中宗高宗周之成王康王其行事俱見詩

書漢之文帝史稱其節用愛民方內安甯家給人足宋之仁宗恭

儉仁恕明之孝宗亦與仁宗相類憂勤惕厲終始不渝此七君者

宜百世祀不當以守成見格又言宋臣潘美不當在從祀列張浚

三命爲將凡三致敗一敗於富平則關陝遂陷再敗於淮西則鄜

瓊叛命三敗於符離則中原遂不可復且劾李綱殺曲端與岳飛

議不合其積忿在於併兵雖爲南渡名臣而初無灼然可見之功

亦當罷其從祀

詔議禘祭禮崇簡疏言宜奉

肇

興

景

顯四祖及

太祖南向

太宗東向又

詔議大享殿合祀禮疏言

本朝所封啟運山宜附中岳壇天柱隆業二山宜附北岳壇如前
明附祀例有建議請祀周公於孔子廟者崇簡以為不然疏言周
公制作前代比諸帝王今既配享武王於廟禮數隆重若復祀諸
文廟之中於體為褻非尊崇之德也議者謂北岳恒山立廟曲陽

非是崇簡以先儒言考之曰按曲陽有三地理志上曲陽屬常山
郡在恆山北谷下曲陽屬鉅鹿郡鼓聚少陽亭晉荀吳滅鼓其處
也今之曲陽既非鼓聚又不在北谷距恆山絕遠遂疏言宜從議
者移祀渾源州為便是時天下大定朝野又安
天子銳意勅興禮樂崇簡既鉅儒學問淹洽為
上所委任而又身居禮官之長一切制度沿革必皆援古證今侃
侃建白雖或

廷議糾紛亦皆俟一言而決

上亦必從其言由是眷注日厚

堯峯文鈔

子熙以禮部侍郎加尙書遷

左都御史兵工二部尙書大拜崇簡時年六十餘尙無恙

池北偶談一

父子後先同列海內榮之

堯峯文鈔

十八年以疾解任康熙十七年卒

漢名臣傳

賜諡文貞祭葬如例幾輔唐志崇簡交遊滿天下堯峯文鈔善自謙下崇厲名教獎引後學孜孜若弗及今世說三每到門投謁必相與握手欵曲凡被禮遇者人人色喜謂王先生親我諸所獎借其後率皆成名性清慎不苟於財嘗貸前明中貴人何某金百兩何死於盜崇簡無所歸金遂舍諸僧寺且設位爲文以告曰吾用資故人冥福有同年生宋某者寓赤金百兩白金千兩於崇簡其家不之知也宋君歿促其子至如數與之金其子大驚願以其半爲壽笑曰如是則與乾沒有異乎悉與之平居無聲色博奕之尙晚歲益嗜澹泊惟潛心先儒義理之說以躬行心得爲主與諸儒論難不強爲異同及其發之於文原原本本下筆輒千言而悉根柢乎六經其論詩風雅正變則謂論正變以體不若論之以聲蓋體由聲而定也三代以上詩與樂出於一古人以聲詩奏之樂是故詩之本在聲

孔子刪詩得其聲則存不得其聲則不存或謂時有正變聲何以有正變不知宮商角徵羽正也變宮變徵皆變也後儒補六笙詩又補肆夏詩皆未達乎聲之義者也論春王正月則謂春秋之作孔子尊王之作也因魯史之文遵周代之制槩乎無可疑者使以夏時冠周月是倍王非尊王也是故孔子所書春者卽周之春所書正月卽周之正月也其說悉有裨於學者至其他碑銘之文尤見重當世子若孫欲榮其祖父者往往數千里來求其辭皆典核有則堯峯文鈔爲禮部尙書猶好學寒宵擁鑪篝鐙呬唔不輟諸公子環坐聽其緒論退而筆之爲冬夜語兒箋記時人見其書以爲其體製嚴而賅其用心仁以恕其立言皆可爲天下後世法今世說三早遇國變時懷幽憂之感其詩流連沈鬱具才學識之長幾輔詩傳閒召賓從子姓與之觴詠及嬉遊山水間所賦清新整麗見者爭傳頌

之有青箱堂詩十卷續詩十二卷文集十卷家譜年譜各一卷雜

著述若干卷堯峯文鈔 案 四庫全書提要云 青箱堂文集三十三卷與此微異葉方靄序其集

日色黝然而光味冲然而長蓋實錄也堯峯文鈔子熙燕次榘國子監

典簿次然布政使王文靖公事略次照行狀金衢道略

熙字子雍案 四庫全書提要 作字子撰一字胥廷順治十四年進士改庶吉士授檢

討一統十年春

世祖親試習國書翰林列優等

召見以滿語奏對大蒙

褒賞先正事略尋遷司業中允洗馬諭德漢名 臣傳

召入南苑常譯大學衍義及勸善書遂

命長直南苑常隨獵

賜乘御馬先正事略會初設

日講官以熙同學士麻勒吉胡兆龍等充之

命每日進講

賜坐國史 賢良傳十三年轉庶子遷侍講學士十四年擢宏文院學士

漢名 臣傳時父崇簡國史院學士父子同官尋充

經筵講官擢禮部右侍郎兼掌院學士先正事略十七年六月

上命造直房

景運門內熙與諸翰林分班直宿十一月考滿加禮部尚書銜漢名

臣傳熙父崇簡方以尚書長禮部父子皆大宗伯朝士榮之十八年

畿輔 唐志

世祖大漸一統 志

召入養心殿撰

遺詔熙泣伏先草第一條上奏畿輔 唐志恐

聖躬過勞奏移乾清門撰擬凡三次進呈皆報可俄
召入與故舊大臣同受

顧命又爲輔政大臣索尼等撰誓文至於面奉憑几之言有事關
國家大計與諸大臣再三密議而後決者熙終身不以語人雖子
弟莫得而傳也先正事略

聖祖嗣位仍改宏文院學士兼官如故賢良傳康熙三年以失察欠

糧舉人入場削尙書銜降一級留任漢名臣傳五年除左都御史疏請

嚴督撫狗庇司道處分又言近例招民百家送至盛京得授知縣
不肖奸人往往借資爲市宜改給散秩又言江楚閩粵諸路王公
將軍督撫提鎮多自置官商奪民利又奸商多指稱藩下挾勢橫
行宜嚴飭申禁又言官吏捐輸博議敘名出私橐實出自民間宜
一切報罷均從之當是時平西王吳三桂駐雲南平南王尙可喜

駐廣東靖南王耿靖忠駐福建擁兵踰制三桂尤驕縱熙疏言一

歲賦入大半耗於兵餉就雲貴言歲需餉銀三百餘萬兩急宜減

汰綠旗額兵其藩下餘丁亦宜遣散屯種庶勢分而餉亦裕

詔下所司議省額餉百餘萬七年夏旱金星晝見

詔求直言熙疏陳法祖所以敬天請飭部院諸司詳察見行事例
有因變法而滋弊者悉遵舊例更正

詔下所司確議於是鄉會試仍用八股文又前此各官儀衛踰制
河工不立限期刑部獄囚霜降後不卽朝審至是皆改遵舊例其
繁例就刪者復數十事中外稱便又疏言逃人詭稱寄頓財物不
必遽行句取致累無辜至窩藏之人物故其妻子請免流徙從之
遷工部尙書先正事略十二年轉兵部其冬吳三桂反賢良傳其子以尙
主不卽誅一統志明年三月熙上書曰逆賊吳三桂負國深恩肆虐

滇黔流毒楚蜀散布偽劄煽惑人心今大兵已抵荆南元惡旦夕授首逆子應熊雖被羈守而流言繁興訛傳不止姦謀百出未易周防若不早斷恐滋後患請速正法傳首湖南四川以激厲三軍之心絕奸黨之窺伺賢良傳疏入應熊旋伏誅方滇黔之初變也都城內外一夕火四起尋有偽朱三太子之獄捕繫數百人掠治不得主名皆應熊及其黨為之三桂自恃角距已成又以其子方尚主朝廷必不殺以為之招及應熊誅三桂驚悸發病竟以死先正事略

熙稟

聖天子方略調遣羽書和調將吏卒以成功先是漢官不與聞兵機至是特命熙專管密本中外咸知熙以敬慎受心膺之寄

廟堂之算所以任之者專而信之者至矣未錫鬯王文靖公傳會

詔舉賢能官熙疏薦原任御史郝浴候補司道鄭端周體觀

詔徵博學鴻儒薦原任推官尤侗中書汪懋麟皆次第錄用十七

年丁父憂二十一年即家授

保和殿大學士兼禮部尚書先正事略當是時三逆削平海內康樂熙

入政府務寬平持大體宣

上德意畿輔唐志罷權宜之計停加征之額不沽名不市恩不植黨援

於四方利病及國家典制沿革無不周知遇事直陳無隱而一不

以已與也二十五年加太子太傅二十七年典會試三十一年以

疾請告

溫旨報曰

先帝舊臣俱已凋謝惟卿獨在班列雖精力就衰而老成常侍左

右殊有裨益其勉自調攝不必求罷先正事略嗣屢疏乞休四十年八

月允致仕晉少傅

漢名臣傳

賜寶露禁藥帑幣上珍明年上元節

賜宴於家

先正事略

四月特遣侍衛五格賚

賜耆老舊德匾額及對幅傳

諭曰卿歷官最久自去歲告病在家無日不念老臣也近日九卿

皆求匾額字對想卿心雖在告心未嘗不在朝中故特書以賜卿

卿其勉強餐食輔以醫藥慰朕不忘舊臣之至意四十二年正月

卒於家年七十有六

漢名臣傳時

聖駕南巡聞訃震悼

命直郡王允禔大學士馬齊率侍衛往奠且傳

諭直郡王曰大學士王熙係

世祖章皇帝舊臣宜行拜奠之禮舉哀酌酒於是王行三叩禮大

學士九卿等合詞具劄謝

恩尋

賜祭葬如例諡文靖

先正事略

熙讀書一過記憶不忘每奏對

御前應答如流熟於掌故遇事立剖決

王文靖公傳

居相位二十餘年

恩眷始終如一君臣際遇尤為漢唐以來所僅見

畿輔唐志

性篤孝十

二歲母梁夫人病革禱於天願減算益母壽父崇簡晚歲好遊常

徧歷西南諸勝熙恐其勞於登涉乃構怡園於宅西蒔芍藥數百

畦於豐臺別墅父顧而樂之比捐館舍熙年踰五十矣號泣如孺

子顏書房日慕齋待兄弟友愛布政使然巡撫燕金衢道照皆以

推蔭起家者也生平邃於經史工詩文

先正事略

著有文靖公集二十

四卷

畿輔詩傳八

尤好施與京師義學育嬰堂月有資助凡大典禮如

耕藉田冊立東宮陪祀闕里大制作如總裁實錄玉牒典訓方略

國史明史一統志皆膺其任前後

賜宸翰十餘幅堂額三曰席寵堂曰曲江風度曰耆年碩德他珍

物不可勝紀熙遇事持大體在

上前或危論或微言率能動聽平定三逆後撰方略

聖祖忽諭閣臣曰當三桂反時漢官有言不必發兵七旬有苗格

者又其時漢官多移妻子回家何也顧學士韓菼曰爾為朕載之

菼退而皇恐熙昌言閣中曰有苗格乃會議時魏蔚州語告者截

去首尾遂失其本意然如其言豈非誤國移家偶然耳日久何從

分別其移者豈非背

主漢官負此兩大罪何顏立

朝翼日熙執奏懇懇如閣中語

上微笑曰固知此二事不可載也事遂寢熙嘗語諸學士曰吾昔

從

駕椒園

世祖問有子幾人以二子對蒙

賜名克善克勤善實能文吾不使與試不然者當丁酉時不免作

高郵公矣時

上痛懲漢人師生交通之弊熙遇鄉會試輒辭免開列戊辰典禮

部試蓋

特命也先正事雍正十一年奉

特旨入祀賢良祠畿輔唐志案先正事

燕以父任廕累任戶部兵部員外郎郎中康熙三十四年授鎮江

府知府三十一年特授江蘇按察使三十三年晉湖北布政使三

十七年擢貴州巡撫疏請增請貴州附學之清浪衛教授一附學

之開州廣順州未設學之永甯獨山麻哈諸州學正各一附學之
普安餘慶安化三縣未設學之普定平越都勻鎮遠銅仁龍泉永
從七縣訓導各一照小學例取文武生員八名下部議行三十九
年疏言黔省荒尙十分之四徧勸開墾舉報寥寥查田畝俱在萬
山中土性瘠薄秋成籽粒難抵內地膏腴三分之一開墾倍費工
本六年成熟起科辦賦餘僅敷播種工本無償是以懈於開墾請
除輕則田不議外其重者分別核減或減三分之一或減半征收
嗣後開墾俱准照減則例征賦則民苗踴躍從事下部議行四十
五年疏稱文武官弁近因凶苗劫掠俱照野賊苗蠻擾害地方例
議處黔地俱熟苗當差納糧與生苗潛入劫掠者不同若因其爲
盜將降革各員卽降革離任接緝者以非任內事不實力緝拿不
肖員弁慮干降革互相隱諱嗣後除野苗爲盜照例議處外其熟

苗爲盜地方官照漢民爲盜議處下九卿科道等議從之四十一
年疏言驛站夫馬例州縣兼理獨安順驛馬在府站夫在縣鎮遠
驛馬在縣站夫在府兩歧不便且與兼管例不符請將夫馬統歸
普定鎮遠二縣管理得

旨允行四十二年以原官致仕四十七年卒

賜祭葬如例

漢名臣傳

王崇節字筠侶崇簡弟

宛平王志

生五歲而孤多病習懶慢不喜爲章

句學學擊劍走馬

今世說

爲武學生辦事錦衣衛衛員以善刺人陰

事爲稱職有藉以挾取人貨財者崇節歎曰此豈吾所能爲耶遂
棄去與崔子忠友善子忠工於繪事得其筆法繼崔之後惟稱王
焉順治八年

宛平王志

舉試科爲興州衛千總

今世說

賣屋之官未幾缺

裁歸翻然曰與其奔走職業何如放逸自適耶偕兄崇簡徜徉西

山峰壑間宛平益肆力為畫今世筆墨之妙與年俱進宛平崇簡

素友愛而崇節未嘗倚門地請謁足不至公卿門或乏食甘心貧

約以繪事自食其力士大夫雅慕其人求畫者滿戶外必先償直

然後欣然命筆梁大司農清標見之稱為絕藝厚酬以繪帛辭不

受曰崇節之貧安用帛為更易金如其常值強之乃受其廉於取

又如此

朝廷聞其名一日

召見中和殿崇節偉丰儀鬚長數尺

上命起立視良久令供奉畫苑時年六十餘以足疾引退從子熙

為築室娛老遂不出未幾病卒今世

方國棟順天宛平人明大學士從哲從孫國史循吏傳案汪

居浙之德清後徙順天祖希哲縣學生私諡恬節先生考士淳以

文端蔭歷官至饒州知府國棟讀書明敏過人十歲善屬文汪誌

順治三年舉人除蠡縣教諭遷國子監助教進博士循吏遷刑部

江西司主事歷雲南司員外郎福建司郎中十六年出為廣東按

察使僉事分巡海北道巨寇鄧耀盤踞海島中時時出沒剽掠為

雷廉患汪墓誌國棟請於上官集兵三千循吏分五路以行而躬總

其節制繼又慮賊之他逃也急檄鄰道及安南國王各出兵分搃

要害耀遂受擒招徠餘黨所全活四千人汪墓誌雷廉諸富人為賊

所誣株繫者眾國棟察其冤悉為昭雪諸富人哀白金數千為報

國棟駭然曰吾憫若無辜耳奈何污我力卻不受循吏廉人爭感

公德刻主於名宦祠生尸祝焉汪墓誌遷山西甯武兵備參議以法

飭武弁謝絕餽遺康熙六年裁缺十二年改分守蘇松常道地濱

太湖隄岸歲久傾圯乃躬率吏民修築又修沿海墩臺及吳淞劉

河兩閘區畫經費不以擾民伶人倚中朝貴人勢恣為奸利有司
為折節下之與行鈞禮國棟不少屈循吏傳伶又以非法干請亦不
聽或勸委曲為一官計國棟堅拒不可伶大怒去然亦不能毫毛
有加也由此聲望益大重汪墓誌銘大兵征閩粵羽書旁午國棟事事
與民休息每遇急徵從容布算鎮之以靜芻蕘糗糧之需日儲無
乏而民間晏然若不知有兵事者十六年有採木之役親詣宜興
深山中晝夜督視以勞遣疾歸遂卒民謳思不置二十二年立祠
於虎邱山麓祀之循吏傳國棟頎然長身問學淹雅工詩喜書而於
奕尤入能品與人交不翁翁熱亦不落涼涼雖接布衣下士未嘗
有疾言傲色歷官三十餘年補衣糲飯無聲色菽飲之好約束胥
吏往往皆重足立而撫視士民則霽然俱有恩意尤耿介自守不
為福禍利害所搖終其身如一也汪墓誌銘

田大祿號龍泉通州人幼食貧既長習賈家業隆起通州志性友愛
兄弟亡遺子女撫若己出畿輔唐志長為婚嫁以已所置產分授從
子無所私居鄉樂善不倦凡疾病哀喪求助者罔不贍卹通州志順
治六年饑出米數千石以賑復施棺以斂疫死者遠近有田善人
之稱事聞

世祖章皇帝嘉其好義命大學士巴某表其閭畿輔唐志卒年七十一

子永隆通州高志

永隆字玉滋五歲喪母日夕侍父側稍長追思其母輒飲泣累日
年十五補諸生以家政繁不能務舉業入國學考授縣丞性謹厚
尚義凡從母從兄弟姊妹及親黨之無依者生養死葬周卹備至
父好修舉廢墜有所未竟悉踵成之與人交無城府遇談人過者
必相勸戒嘗路拾遺金伺其人還之越數日復囊金至蓋向負大

祿者券毀無驗感還金之義來償永隆不受負者曰公盛德若是

某敢為負心人乎乃量留之平生善舉甚多鄉里推為長者通州高志

袁捷字咸孚大興人畿輔唐志七十六歷官湖廣掌印諸司順治四年鄖

陽遊擊王昌反劫勒文武附從宛平王志要捷曰若吾同官吾何忍殺

若第從吾異日富貴共之捷大罵曰吾頭可斷志不可屈恨不能

磔賊以報國耳昌怒殺之事平畿輔唐志

賜祭葬廕其子繼善為知州大興張志

張元樞良鄉人畿輔唐志七十四順治四年進士任浙江處州府推官良鄉志

嚴勾引營兵賭博之禁按行屬邑踏勘荒田請蠲逋賦時寇氛

未靖間有株連輒省之其他修學課士尤多善政處民至今稱

之畿輔唐志

張士甄字繡紫通州人順治五年進士選庶吉士授編修累官刑

部尚書持法平允務從寬大改禮部又轉吏部掌銓三載謝請託

疏壅滯公慎自矢朝論歸之畿輔唐志七十四奉使祭恒霍諸山途遇山

西裁兵憫其無依令當事設地屯處河東鹽課積逋商人苦賠累

疏請豁免凡為會試同考文武總裁各一皆稱得人性謹飭謙和

與人交藹然可親至獎薦人才必真知確見不肯輕徇引疾乞休

卒年七十通州高志族弟士堯順治初以貢生知高苑縣適歲饑賑恤

有方全活甚眾士堯康熙壬子舉人由教諭陞永安令亦著循聲

以母養乞歸好行善事里人德之通州高志雍正二年並祀鄉賢

唐志

謝泰字彙征號建侯大興人順治六年進士官湖廣竹山縣知縣

畿輔詩傳八竹山古之上庸層巖疊嶂猿鳥蹟絕下臨絕澗幽篁蒙茸

人皆鑿罅中行前明餘寇猶據為巢穴窟崇禎初賊鄭十七養甲

千人據邑先峯寨後爲義兒楊明啟所殺仍有其地依張獻忠爲聲援又賊老當當五六萬衆盤踞邑中叛兵王二亂襄鄖趨房縣蹂躪無遺川寇劉二虎郝搖旗諸賊從永歷營來犯前令四人皆爲賊害泰至無城郭棲於山頂鶯崖寨居民止二十家時川獠千餘人攻天城寨次及鶯崖泰率鄉勇卻之而楊明啟虎視日久泰以守禦未備設計羈縻事急乃發書請兵遷民入寨以三十餘人銃二具爲死守計鄖將蔣崇武來援泰與合兵深入賊巢先破泥灣寨擒賊婦馬氏諸寨多降遂攻明啟泰往來督餉值淫雨月餘溪澗驟漲兵不得前泰禱於伏魔廟而天霽明啟方恃險自若泰用降賊計取山徑乘夜入破其寨明啟遁復鈎連劉二虎郝搖旗等帥師五千人捲土而來泰知鶯崖不可守移鐵壁蔣家寨與鄉民八十三人固守時蔣崇武已遷去新帥張士光不任事賊遂破

虎伏寨渡河繞鐵壁攻羊角寨泰乘間爲書擲搖旗營離間諸賊諸賊果相疑久之知爲所紿復進兵入竹山破蛟龍樂豐諸寨遂攻鐵壁時癸巳八月也賊築城周山腹二十餘里爲長圍泰令鄉勇禦其前自堵其後攻前者多中鉛子墜崖下自平旦至日入殺賊二百有奇其攻後者泰自擊之殺賊六百有奇賊乃退後十日賊運竹箭填後陘取平直土泰夜以火毬照之發烏銃斃賊十餘人賊不得填陘乃以火礮來攻時九月望寨中無水泰祈禱得雨兵士益厲二虎計窮乃與搖旗更代圍守泰潛使兩健卒穿木城一赴興安總兵趙某一赴鄖陽總兵張某求救張援不至唯趙某呼使者問狀歎息良久乃命參將德俊副帥花守登率三千兵星夜赴援時寨水復竭泰入廟卜得凶兆欲自裁忽有四歲啞兒語曰援兵至矣越一日果至圍解泰與二將追賊至太平寨賊多投

鶯崖河死餘逆遠遁泰前後守城與賊相持數十日追捕殺獲者無算一邑卒以獲全經畧洪承疇上其功遷軍前督餉同知卒祀

忠義祠

盧見曾山左詩
詩鈔流寓傳

有蓼集編客中吟

畿輔詩
傳八

雷一龍字伯復通州人

畿輔唐志
七十四

少力學事繼母至孝順治六年

進士授山東汶上知縣潔已愛民修學宮革贏羨超雪冤獄人稱

神君課最內擢歷工刑禮吏四科給事中

唐州高志

彈劾不避嫌怨

唐志凡所陳奏疏悉以國計民生為急順治十五年分校禮闈名宿

爭出其房是科

殿試第一人孫承恩其一也

通州高志

從子謙

畿輔唐志

順治二年進士擢

戶部郎中任大運橋河西務監督慎出入薄征收德之者眾

通州高志

雍正二年並祀鄉賢

畿輔唐志

高光夔字念侶文安人

畿輔唐志
七十四

父侶鶴明江南建平桐城令廉

能惠澤卒於桐邑人無少長貴賤咸懷絮酒哭臨如失怙恃光夔

方弱冠扶襯北還讀禮之餘復精研經史寒暑靡倦順治六年進

士

胡士高
念侶傳

授翰林院庶吉士歷陞宏文院授職編修

文安楊志

世祖章皇帝時幸史館

賜詞臣品膳酒醴顧問優容凡所召對皆洞達國體深明經術之

語擢廣東督糧道布政使司左參議念積貯為天下大命漕務積

困已極興大利除夙弊一時漕政肅清會奉

詔咨詢兵民疾苦光夔條陳四事剴切詳明皆蒙

天子採納再陞江南揚州海防兵備道副使揚為東南都會民勞

兵弛夙稱難治光夔至撫綏訓練閭閻行伍交慶再生無何海氛

犯江上光夔規畫方略裹甲登陣寇退將興大獄極力解免全活

十餘萬人嗣以船工詿誤解綬之日襍被蕭然揚民焚香遮道攀

輟灑泣自江都以下二百餘里奔呼者不絕立去思碑以志甘棠遺愛焉尋復職補授廣東雷州同知精心吏事凡奏讞不決者督撫悉以委之多所平反獄無冤滯未幾吳三桂反粵地震搖僞檄之來飛馳如雨光夔堅持大節誓以死殉生母郭喪倉皇旋里自此十年間艱難家食褐衣粗糲宴如也卒於家

高念侶傳康熙三十

年祀鄉賢

畿輔唐志

顏敏字乃來別字澹叟曲阜復聖裔也其先明初有以軍功襲錦衣者遂爲宛平人敏少爲諸生與其弟敦齊名順治六年進士授刑部主事進郎中海寇闖入內江江介士大夫多爲所誤與大獄敏適典江南司江南臺使奏報下部屬定爰書敏披牘每達曙不寐必求得其可以生者入報卽忤堂上官不顧獄藉之成出爲池州守池故宋包拯所守州也敏至拜拯曰豈有繼公官是邦而敢

負公者三年考第一民思君與拯並祀之遂遷湖北按察司副使上荆南道會孫可望由西南來歸我兵迎勦者大將軍貝子固山以下皆牧馬荆南厚責供億敏爲廣儲峙芻菱糲一切支放皆有法軍無譁者旣而遷本省布政司參政分守下荆南道經略內院洪承疇知其能題補貴州按察使攝布政使事時大軍進滇者必道黔值黔饑斗米十千前此轉運每至黔以道險手牽足挽幾三十鍾致一石因改黔秋糧令折本色至是民不堪土司奔逃敏請撫軍仍改如舊賦征銀民便之不數月卽遷廣西右布政司使隨轉左改陝西康熙二年王師征西南大會各路兵分隘進勦而大將軍獨取道關隴士馬之集興安者日以萬至多不給敏立疏險易別水陸措夫辦饟按程應之事平

上嘉悅會八桂亂大兵方南下議非重臣轄其地不可特

詔敏開藩廣西時定南王藩下官兵家口約數萬盡遣還京凡舳

臚長年無正饗可辦敏立出帑金僱募逮起發而後捐輸以補之

乃以力瘁並病瘴遂卒年六十八

毛奇齡顏君墓誌銘

徐化成字文侯昌平州人

畿輔唐志七十四

父應祿早卒事母至孝

昌平宋志

順治八年由拔貢生

畿輔唐志

授光州知州光接楚豫殘於闖寇士民

流亡城壕堙圯化成以法招徠修築城垣重建學宮立社以課士

至是始聞弦誦之聲焉時又飛蝗為災化成禱於天有異鳥羣集

類鸛鶴啄蝗殆盡田遂有秋三載遷台州知府

昌平宋志

值亢旱虔誠

步禱甘露立沛鎮兵月糧偶缺譁於途檄催黃巖太和二邑米舟

暮夜至兵利在舟即給化成慮有變詣江許運貯天甯寺倉猝夫

不繼化成徒步率眾役挽攜百姓聞之爭先來助頃刻而畢升合

無耗畿輔唐志郡有大猾竄山海間謀倡亂以計生致之諭之曰若壯

士豈終為盜耶釋不罪於是亡命者始各散辛卯遷岢嵐道副使

旋遷山東萊州道皆有政聲丙申擢廣東右布政使當嶺海用兵

軍需仰給無或後期藩鎮制府皆嘉其才乙亥轉河南左布政使

政皆和平寬大時奏銷獄起負課者千餘人將羅不測因出金三

千輸之庫皆獲保全辛丑夏

特旨召見

上改容嘉勞擢都察院右都御史巡撫湖廣先是漕運積弊弁丁

往往魚肉小民稍不饜即噪而起化成一裁以法期年之間弊絕

風清

世祖章皇帝留心岳牧書其名於

御屏每遇遷除輒指之其信於

上如此康熙甲寅卒

昌平宋志

陳慎字懷蓋

陳崇明傳

文安人順治十年以明經為崇明令

畿輔唐志七十一

崇明彈丸巖邑孤懸海外久為島賊所窺甫下車即撫瘠民嚴保

甲遠偵探備城守

陳崇明傳

捍禦有方

畿輔唐志

崇人悅之發於謠詠四越

月張名振擁眾入境鄰邑吳淞劉河福山燒殘殆徧崇境有山前

大安排山等沙盡為所據慎躬督將士櫻城兩戰大創奔潰崇得

以不陷慎長於心計雅負遠略常相形勢創平安壩以遏兵衝築

施翹河東阜沙平洋沙土城三座以屯難民使兩邑聲勢聯絡民

賴以安自高橋洪至四潞河築隄長百二十里以防乘潮攏岸已

亥鄭成功入崇明界總兵梁化鳳奉檄援勦江甯兵去城空民心

滋駭慎安撫眾志鼓舞鄉勇設伏擊其遁歸俘獲無算八月舟師

三千餘隻環攻城以洩金陵之憤城壞數十丈慎督眾連夜修葺

守禦更厲賊力竭圍解督撫方露布上功而主計者以兵餉未完

按例革職崇明士民萬餘匍匐兩院闔詞籲留有兵餉宜完而未

完之故陳令既去而願留之請得

旨全城功大革官准復加一級

陳崇明傳

擢知州旋卒

贈布政司參議照殉難例

全書開

諭祭葬廕一子入監

畿輔唐志

後敘江南平寇功

上諭陳慎已贈參議除前贈廕照舊仍留外仍給拜他喇布勒哈

番再准襲替二次誠異數也病革日無一語及家政唯以崇明兵

火倥偬民力竭矣所遺積逋儻微豁免死亦瞑目呻吟不絕已而

得

旨崇明孤懸海外竭力守城所欠錢糧盡行豁免雖曠恩出自

朝廷而慎終始為崇之心無遺憾矣

陳崇明傳

康熙四十五年祀鄉賢

弟協唐志

協字念蓋順治三年進士唐志初授中書舍人輒究心當代掌

故儲所學以需大用已擢戶科給事中轉右遷禮科左陞工科都

時

世祖親政開言路倚注方切慷慨忠耿之士極言闕議一無撓避

協尤質厚非軍國大計不以上初入禁垣首言請定賦役預以易

知由單布海內俾民不重科官吏無容乾沒遂

俞旨下司農修直省賦役全書開

國之始謚法未定協請元年以來滿漢文武病故者應列事蹟議

之太常秩宗請於

富二而後覈定

本朝有易名鉅典自協之議始宣大為雄邊號饒沃自姜瓖之亂

城若甌脫又裁宣撫與口北道協乃力言修復之便迄今漸得生

聚皆其力也他如蠲文大鹽課之攤派談畿輔水利之蓄洩有大

利益非止為惠於百里者其陳凶荒也言鬻子傭工二事最為悲

痛深切民隱

天子寤之協疎顏頰頰洪音吐鬚戟張每恨舊朝臺諫以門戶咨

其謠議以空言償其實事故不肯倚傍巋然獨立而所立不抗不

墜務循職掌其中則毅然不可奪協既為

上所知得內陞補太僕寺少卿遷鴻臚寺正卿遂轉通政使司左

通政宗人府府丞旋擢都察院副都御史既一歲累遷會甄別京

僚得

旨予稱職協益感優異欲大有發舒嘗言今日興屯之利可以

生財不宜裁官俸汰工食效錐刀末術無幾陞兵部右侍郎理督

捕事已又改戶部左侍郎總督倉場督捕者主勾覆隱匿之政專
察八旗逃人始任是者多以縱舍不稱職協至則首在申明條例
刊行教約下督撫榜郵亭卽窮徼老稚皆通曉不敢犯復依滿洲
例每僱買人口官給符票使真偽易辨株蔓者得以不冤所全活
甚衆倉場尤稱弊藪始於奸弁侵盜繼以主藏耗蠹國儲空乏莫
之省憂協立期會軍斛量水腳羨餘絲毫不染以故公私悉賴

介大司農
陳念蓋傳及卒

恩賜祭葬如例康熙三年祀鄉賢

畿輔唐志
七十四

田種玉字公琢宛平人

畿輔詩
傳十三

爲諸生時家貧甚以香爇火照讀

指頰皴裂弗輟順治十一年舉鄉試第一十二年進士選庶常官

至禮部侍郎性剛介寡合左遷奉天府丞遂乞歸卜居易水蔭圃

自給

易州志

五十二年加工部尙書太子少保

畿輔詩
傳

紀克明字堯章別號杞菴文安人少而敦樸能自拔讀書挺挺不
肯出人下補博士弟子員受知於督學左光斗事父母盡孝而事
繼母尤爲內外姻戚所稱父歿繼母所生三弟撫以成立均受之
家無私焉其最幼弟甫四齡晝親爲哺食夜則同榻兄克昭死育
教其遺孤三人二食餼於庠一登辛丑科進士不知者不知其爲
從子也弟克時卒以次子嗣之俾弟妻有依以終其節其交友接
物皆煦煦有恩意里閭之間不能自存者必濟之凶歲出粟賑恤
有方皆賴以存活人有急黽勉挽救有負之者不校也士大夫高
其義每樂與之遊當明啟禎之際同里大璫多姻舊趨赴之輩欲
籍爲介紹克明絕不與通而紳縉有遭奇禍者雖不識其人必從
中爲之援都城變後邑曠無令者越月克明固結人心雖四野焚
劫無虛日而邑賴以安尋以高才異等入太學出爲吳堡令竭心

奉職革羨餘蠲贖緩恤行戶養孤獨凡為令者所常然人行之以名克明行之以實至署中不能舉火則賣田以接炊煙履任二年而家業益衰耗矣

覃恩贈父文林郎母皆孺人克明稽首曰吾親得邀

封錫之榮吾願足矣遂稱病求去再四未得竟以積勞而逝喪歸堡人走哭踵相接而鄉人哀悼歛獻亦不能已也

吳堡令紀堯章傳

劉芳躅字增美涿州人餘祐子

畿輔詩傳十三

順治十二年進士改庶吉

士散館授編修充日講起居注官十六年遷侍講尋進內宏文院侍讀學士康熙五年充明史纂修官遷內秘書院學士六年充會試副考官恭纂

世祖章皇帝實錄充副總裁七年

漢名臣傳

以都察院右副都御史巡

撫山東

涿州續志

十一月疏報康熙六年開懇荒地萬二千二百六十

畝有奇照例起科下部知之十二月因地震疏請格外蠲恤部議沂莒郯三州縣被傷最重增免本年錢糧十分之四其安邱等二十一州縣及章邱等十六州縣各照被災輕重分別蠲免芳躅以賑災議敘加工部右侍郎銜八年疏言山東衆山綿亘瀕海臨河易藏匪類向賴守巡各道彈壓累經奉裁請仍設一東兗道登萊守道增設濟東守道青州巡道以資控制裁驛傳道即以馬夫諸務分隸各道轄又言地方緝盜預勒名數百弊叢生盡事主被盜倉皇勢難得其數少報則漏網多報必誣扳嗣後凡報盜能確呈幾名及獲犯即實供夥盜數目者仍照數捕緝如盜數不的止將失事情形題報不得預勒其數以致捏陷如硬坐抵充至死者以故殺論又言盜案初供人犯未全贓證未明暫時招承覆審不符原審官畏顧瞻徇保無波累濫及請凡獲盜初供不必先敘俟全

獲嚴訊真偽列入奏疏方信讞俱得

旨允行九年二月疏言東省素不產銅惟收買舊錢供鑄今舊錢

已盡銅缺如故仍接卯鼓鑄不惟銅價昂貴且恐鑄多壅滯請撤

局停鑄部議如所請漢名臣傳先是山左多勝國藩產正供外仍有租

民累甚上疏免之有黃培者以謗誹繫獄數年株連甚眾芳躅讞

實坐培罪餘悉奏釋之易州志時泰安州獄祠久不治出廉俸為僚

屬倡剋期增建工畢畿輔詩傳朱彝尊容其幕為撰碑記又登嶧山他

賓從皆懼險中輟芳躅獨偕彝尊造其巔撫署廳事有泉涌出名

之曰澁泉蓋取爾雅水自濟出為澁義也紅豆樹館詩話十二年考察各

省督撫部議以芳躅才力不及降二級調用遂卜居易水上不再

起易州志與弟芳喆偕往來大房諸山中著有留雲山房集涿州續志尋

卒漢名臣傳

芳喆字宣人

畿輔唐志八十一按學案小識載劉芳喆為宛平人

乃劉芳躅之弟芳躅傳謂其先世為京師順治十八年進士改庶

人學案小識乃據其先世書之今不從

吉士歷

國史院編修遷國子監司業學主於庸所求皆子臣弟友之事至

纖至悉人所不及檢察而忽之者講求必極其當學案小識能以踐履

倡率後學時祭酒為新城王士正相與獎拔英雋人望歸之涿州吳志

生平所稱許者成都費密蔡廷治黃岡曹本榮學案小識康熙乙丑歸

里築草亭於石橋村涿州吳志性慈惠居鄉賑撫孤寒畿輔唐志獎進善類

鄉黨愛敬之涿州吳志康熙四十二年春

聖駕南巡過涿州芳喆班列跪迎

上問何不作官芳喆對曰康熙二十四年考試翰林院詹事府各

官緣祭酒李元振同芳喆未及到部議降三級調用有

旨芳喆作人好著復原官劉芳喆皇恩恭紀尋卒著有拙翁集拙翁庸語
諸書康熙五十五年祠鄉賢唐志

華陽吳祖椿校

人物志十光緒順天府志一百

先賢十黃岡洪良昂纂江陰繆荃孫覆輯

國朝

譚之林子煥米壽都子漢李孔昭崔周田劉繼甯

王鼎呂子煥金天鎮許世昌

杜懋哲 崔應鳳 紀元

米漢雯 楊正中 趙之符兄之篆之符子璘

璠 方觀 楊之柄

查日乾子為仁為禮子澹 井在

尹肅京 王綱肅 紀愈子遴直孫晉

井睦 張烈 高裔

范瀛珮 王采子枚士子詢 杜立本

紀 昞

郝士錚

楊 雍

李可翹

芮 濟

朱 綸

猶子復傳

劉殿衡

李長白

韓 崑

程可式

國朝

譚之林文安人明天啟舉人性純孝六齡母周寢疾日夜涕泣繞卧榻不去稍長讀書夜分不輟母止之方就寢平居赴親友讌會遇蔬果時鮮母未食不敢嘗次日徧市以進雖遠必致也母好施予贍親族之林竭力奉之以適其意官無極縣學博冬月母病革思食蘋果遣人兼程至京購之比至母已卒遂終身不食蘋果母喪哀毀骨立廬墓側茹素寢苦朝夕號泣者三年服除補青縣學博陞襄垣令歷浦江俱有治聲年八十有八卒人咸稱為譚孝子

云 文安楊志

米壽都字吉士宛平人明貢生

畿輔詩傳十六

為太僕仲詔先生子

紅豆樹館

話韶齡英頴傳其家學揮毫落紙所謂高山樞具蒼佩華纓有廊

廟之容焉

王崇簡吉士詩集序

與王宗伯崇簡崔文學子忠交好以詩文書

畫相往還

紅豆樹館詩話

官江蘇沭陽縣知縣有吉士詩集

畿輔詩傳

未幾卒子

漢倬 紅豆樹館詩話

漢倬字星岸諸生七試不售三應中書選有扼之者遂岸然不復應舉父壽都卧病漢倬號泣籲天焚香借壽而父立愈人謂孝所感也父母歿遊寶坻見有非其罪而桎梏者為見主者釋之其人攜少女來謝漢倬揮却之避風江口有舟覆而溺者三人漢倬急出資呼人拯救三人乃得生移家交河已未秋交河饑人食草木他徙甚多漢倬出粟濟之而不責償施藥設棺始終不倦雖值窘

乏弗易其志癸亥入都以疾卒所著有尙書輯要墨飲齋寄亭草
詩集藏於家宛平王志

李孔昭字光四薊州人畿輔詩傳九按甯河關志作光泗崇禎癸未進士見時事

日非不赴廷對以所給牌坊銀一百二十兩留助軍需畿輔唐志八十二

遂去奉母隱於盤山躬自樵采形蹟數易人無識者甲申流賊陷

都城聞變將死之以老母在白衣冠哭田間者三載甯河關志事母至

孝嘗割股愈母疾妻王氏薊州城陷時殉節義不再娶先正事略四十八

我

朝定鼎求遺賢撫按交章薦謝病不出一日當道遣吏持書幣往

遇負薪者呼問若識李進士耶負薪者張目曰問李進士奚若吏

具道意乃以手遙指負薪去吏至其室虛矣鄰叟曰若面矢之向

所見負薪者是也後屢物色之卒不得見當道太息而已寶坻鄉里

感其義有某孝廉當上公車輒止不行曰吾出郭門一步何面見

李光四乎梁清標李孔昭傳平居教授生徒畿輔唐志倡明理學薊州沈志多所成

就畿輔唐志時黃冠時儒服衣著屢變人亦不知為李進士也時邑中

方興役吏按戶派夫驅孔昭曰我力不任願出資以代吏持

去數日杜立德聞孔昭在邑急往候吏聞趨謝罪孔昭曰此間豈

有李進士耶若勿誤由是踪跡愈不可必矣甯河關志性孤峭先正事略四十

八博洽羣籍能詩善書薊州沈志愛陶詩晚自號潛翁跡其出處亦與

靖節同與杜立德幼時同學長同年寄以詩曰黃門青瑣君思我

流水高山我憶君時當徵辟立德方勸駕而處士招隱一時傳為

佳話紅豆樹館詩話庚子正月孔昭為弟子講盡心章畢曰此傳心法也

言訖而逝門人私謚曰安節先生甯河關志康熙二十六年祀鄉賢祠

旌曰燕山處士薊州沈志宋中丞舉弔以詩云鹿裘邈何許猿鶴尙思

君其風可想紅豆樹後其子稷能世其家學薊州崔周田字錫齡
順治中充歲貢不復入場屋性嗜書嘗建一樓聚古本及金石刻
萬卷藏之終日吟嘯其中李孔昭隱於盤山物色者輒不遇周田
過之往往坐林石間相勞苦孔昭亦時下榻其家命諸子師焉并
迎孔昭母事之維謹以女妻其子此孔昭賦謝詩所以有高堂代
我供甘旨花院呼兒說史書句也孔昭歿周田漠然無所向久之
卒劉繼甯字兌菴少負意氣千金一諾有古俠士風當明季嘗捐
金贖難女二為之擇配歲饑煮粥以賑全活甚眾與周田善有緩
急恆資之如已事周田亦弗謝也晚年為子擇師乃裹糧遊盤山
踪跡李孔昭得之甚相樂也已而相泣宿經旬具道意曰吾家僻
處海濱兩岸蘆花倘不拂先生高隱趣乎孔昭許諾至令諸子受
業暇則招周田聚談終日視人世利達如浮雲然子三從雅從心

從正皆以文行顯從心作孔昭墓碑誌銘從正子浚字蘊哲最知

名甯河

王鼎呂字翼明寶坻人寶坻父溥崇禎丙子城破殉難獨鼎與其

從姪烈跳身獨免歸則號哭營葬事及期功諸暴骸無不就窆者

時齒尚十七也流寓京師數年或侵其租入殆盡悉隱忍置不問

沈機內運生理亦集姜宸英王并為烈完其家室撫從兄弟子女

逾於所生王氏復振鼎呂曰先祚不絕若髮危而復安天也既屬

有天幸敢封殖以自私乎乃倡修邑城及河隄之傾塌者歲災出

粟以賑寶坻收恤其鬻棄子女及豐而還之不責其直見人有過

規切之必盡已而待之如平常不留於心以是人人謂公愛我年

七十八卒哭之有如所親者墓子煥燧

煥字南區號盤麓康熙間貢生畿輔詩傳喜博綜負意氣自如少

卽慨然有尙友千古之志不屑屑治帖括曰尋行數墨中安有不
朽業哉乃大肆力於詩古文辭授光祿寺丞晉刑部郎每退食與
朱彝尊姜宸英趙執信諸人樽酒流連揚扈風雅一時有華省仙
郎之目及出守惠州政簡刑清攬風問俗又與其鄉名宿屈大均
梁佩蘭陳恭尹游詩境益進寶坻志有憶雪樓詩二卷畿輔詩傳授永甯
道以憂歸久之再補溫處副使乃析先世產讓諸昆弟飄然南行
旣之任潔清自矢一如守惠時顧性耽風雅不欲久羈仕籍曰吾
將恣遠遊以自快乃渡澗灑泝沅湘尋禹穴僑居白下陽羨淮陰
間所至輒交其地之賢豪花晨月夕每載酒揚帆命歌兒拍雙鬢
捧觴唱所製新樂府望者疑爲神仙中人也晚年或勸歸曰吾家
故號南王可南亦可北也比還卒所著有田盤紀游蜀裝蘆中澗
上秋山嶮衡游并鄉前後寫憂及還庚諸集惟憶雪樓集獨存寶坻

洪志 金鎮字又鑣號長真宛平人畿輔詩傳七少有夙悟與兄武弟鉉有三

珠之目崇禎十五年舉京闈試解毛奇齡按察使順治元年授山

東兗州府曹縣知縣旋以艱歸補河南閩鄉縣知縣改鑾儀衛經

歷隨陞刑部河南司員外郎畿輔詩傳十康熙十三年進本部郎中會

上方慎獄復矜恤之典分部使循行郡縣以鎮使河南恤刑自本

年十月至十四年四月凡七閱月計所全活約一百一十人矜疑

半之援赦又半之次年轉河南汝甯府知府時淮蔡多盜兼無年

民田荆榛道饑千餘里前代真陽西平諸遺孽根株未清往來崔

苻間而新蔡李樊與泌陽郭三海據平頭寨相結以起民爭逃村

墟邱落皆虛墓誌一意撫字除苛細下墾土之令生聚教訓示民

以自新畿輔詩傳取爲政去太甚一語書之訟堂而親統銳丁剿李樊

除其根株一切勿引蔓會清理藩產躬驗丈尺而海上投誠兵適
 安插真光之間凡開屯升稅極意調劑墓誌令民兵相安至於興
 利除弊及一切津梁祠宇宜毀宜復者皆受整理治汝十六年改
 補揚州知府值撤藩兵變長江上下風鶴相驚而維揚適當其衝
 城中震恐一日三徙至有爭門而奔者鎮力為慰諭且以威怵之
 始安間招名士遊譙修復平山堂作文誦之乃事治而民得不擾
 陞江甯驛傳鹽法道副使兼署鹽運司事陞江南按察使大計入
 覲

召對令敷陳時事時所對有二其一請定盜案嚴減之例謂江左
 連年災盜賊多有三載之中題報八十餘而其中饑寒逼迫可減
 者衆如一時窮困被誘竝不傷事主或得財未俵分或於事主家
 雜取棍械護身原未嘗攜帶器械皆宜飭部分別量減永定為例

至捕役營兵參縱勒財以致先取贓物然後報官甚有指稱打點
 代行錢令行劫償還是盜有時盡而捕盜之盜反無窮也如此得
 實宜從窩盜律一體重擬則犯盜者少而民得安矣其一請定旂
 下買人及獲盜審訊之律謂江甯京口二旂買人多有無籍者自
 立買契旂主但送上元江甯丹徒三縣用印而竝未行文原籍察
 其真偽多有展轉掠賣而不之知者嗣後請三縣用印官將所買
 之人申報巡撫巡撫按季報部隨卽行文原籍出示招驗其有疑
 者令旂主還契追償其用印官不報照新例治罪至於旂下逃人
 奉有承審官夾訊之例獨旂人爲盜被獲難以刑訊其狡賴展脫
 將何底極嗣後旂人爲盜倘夥證甚明贓據已確許承審官徑行
 刑訊則奸宄畏法而盜風息矣疏聞稱
 旨時以足疾被議畿輔詩傳

上不聽敕令回任墓誌又明年卒有清美堂詩集畿輔詩傳子敬敷北

城兵馬司指揮候補主事墓誌

許世昌號中軒順天人大興張志生而有志寬厚端廉以古道自處

姻姬交游賴以舉火者數十家婚喪貧乏無不周濟鄉有盛德稱

宛平志

國朝定鼎初任兵部軍政因革資其謀畫出師征伐多所贊襄大興

張志每當

上意宛平王志

特簡巡按江西糾劾貪墨誅鋤強暴激濁揚清風紀振肅陞福建

巡撫閩地新定下車之日即興利除害威惠兼施兵戢於伍民安

於野閩人至今猶謳思之著有西巡奏議數十卷大興張志

杜懋哲寶坻人畿輔唐志明貢生見天下大亂隱居不仕闖賊破

京師搢紳俱迎降懋哲曰此賊特為真主驅除耳及

章皇帝定鼎乃曰天下自此一統矣以薦出知長治縣清勤盡職

寶坻洪志

除驛馬之弊民歌之曰漢有召父繼杜母我公之來邑安堵

遷知岷州值猗寇之變被執脅令降畿輔唐志懋哲瞋目罵曰狂賊無

多談吾讀聖賢書而臨難苟免乎寶坻洪志不屈而死事平贈按察司

副使畿輔唐志

崔應鳳字鳴陽霸州人明天啟四年副榜潛心理學著述日富以

月川白沙諸大儒自勵至

國朝順治初以明經高第除鎮原令值土寇賀珍攻城應鳳誓眾

死守城賴以全遷西安府通判兼攝同州篆同有織造絲價及協

濟潼關郵傳額設無幾而每歲所費甚鉅且科賦有金銀銅三則

為例不一故吏胥得上下其手應鳳一一釐正俾有定數著為令

官民兩便焉

朱之弼崔公鳴陽墓誌銘

秩滿陞福甯州知州福甯當兵火後士

子硯田荒廢為建書院課生徒人文蔚興其民至今尸祝之因事

解任復補山西朔州知州以母年高遂解組歸應鳳孝友出於天

性慷慨多智略與人交不設城府意念之誠可格鬼神諸生時以

避兵與母相失夜行尋覓仰天哀號歛見所識宗姓者告以渡河

奔詣果得母所在及詣宗謝宗乃茫然莫識所謂是亦奇矣子之

瑛由翰林官至雲南布政使以

覃恩封應鳳如其官卒年八十有四康熙二十七年祀鄉賢

畿輔唐志

紀元字季愷號子湘文安人順治十二年進士

畿輔詩傳十三

初任杭州

推官丁未量移江南徐州河防同知辛亥陞湖廣漢陽府知府庚

申再起為陝西鞏昌府知府所任皆繁劇地而元處之裕如杭為

東南都會訟獄繁多元才長心敏一見了然多所平反向時罪無

大小輕重共繫一獄牢戶湫隘疫氣薰染多致斃命元惻然憫之

於錢塘空地別建官倉數十楹以居輕犯全活不可勝數杭嚴道

范印心為御史汪之洙參糾落職逮問元知其冤力為剖雪時汪

適典試兩浙各憲重違其意復行駁審元俟棘闈事竣即攜案卷

詣汪汪蓄怒以待元笑曰此

朝廷三尺法豈容私意於其間耶手摘疑件逐條指示曰必如公

意請公出一讞語職當平署之可乎汪愕然汗下遜謝曰不意風

聞誤聽一至於此君執法不撓直包孝肅一流人也遂引入座上

締交盡歡而范事得白是時浙中有通海逆書諸大獄元嚴禁波

累民賴以安其防河淮徐也茶菴堤決城不浸者三版闔郡惶惶

爭避水登雲龍山時值大風雨紛傳堤岸盡潰夫役逆散吏胥懼

固請元元屹不為動曰吾任河工避將焉往此身與堤當委命陽

侯耳馳騎河干從者僅三四人張蓋堤上人夫望見稍稍進遂辦
布袋數萬囊土以塞之堤完城無恙守漢陽時兼攝武昌府事武
昌駐防官兵數千因糧芻不給將圖不軌元聞之請於撫軍持三
月糧至營開諭之三軍戢然是時

王師數十萬下楚軍需絡繹元咄嗟立辦蒲圻縣紅石等團跳梁
負固大將軍欲遣官招撫皆畏難不敢行元曰叛在賊不在民

朝廷赤子豈敢久抗耶遂慨然銜命而往單騎入營開誠勸諭果

相率歸命王士正紀官鞏昌時畿輔詩傳鞏昌邊徼荒涼民無完堵元

招徠有法始漸次復業修整學宮講明祀典博求遺籍其士人彬

彬多文學之風焉元平生慷慨好施予遇事敢言無所迴互批詳

導窾動中機宜以故所至上臺加器重然亦以才爲人所忌又性

疏直不能閤媚趨時故歷而起起而復歷以卒有卧游山房稿文安

楊志

米漢雯字紫來號秀巖宛平人畿輔詩傳明太僕少卿萬鍾孫畿輔唐志七

九順治十三年進士授江西贛州府推官改補建昌知縣丁憂起

復補長葛知縣行取考選主事鶴徵錄二康熙十八年召試博學鴻詞

畿輔詩傳由大學士李蔚杜立德馮溥薦舉鶴徵錄二授翰林院編修畿輔唐志

漢雯好學工詩有漫園詩集始存集畿輔詩傳善畫頗得家法當時呼

爲小米尤工金石篆刻鶴徵錄二書法學米南宮徑寸外者尤勁媚或

評之曰紫來天才造詣當在友石先生之上說鈴性放不羈爲王崇

簡之壻鶴徵錄二典試雲南先正事略三十九故事試差復命不得過一年漢

雯六月朔赴雲南事竣浪跡江楚至十二月猶未還婦兄王熙遣

人敦迫乃就道及至都自言我爲相公押解來京衆咸笑之鶴徵錄二

丁卯主試江南八月八日甫當唱名忽有飛蝗蔽天迴翔試院禾

苗無損人咸異之迨揭曉日金陵諸生見榜多紈袴羣聚而譁幾成大獄好事者競作檄文歌曲唱傳遠近事聞漢雯削籍識者謂蝗能食米蓋所以儆之柳南略筆四久之

召入供奉

內廷遷侍講

賜宅西華門香祖筆記三家蓄古硯太僕物也嘗渡江沈於水遺沒人

求之弗得將解纜忽紅霞起水面光燭天舟人索之硯隨手出焉

先正事略尋病卒漢雯少喜交游所交皆海內名士其詩惜為書畫所

掩亦散佚無傳矣香祖筆記三

楊正中字爾茂通州人畿輔唐志七十四少有至性七歲喪父哀慟如成

人事母盡孝將娶母卒或勸從俗婚於未成服時正中悲號拒之

砥節讀書順治十五年進士選庶吉士授編修累官禮部左侍郎

通州高志時天下父安釐正百度正中考據精詳為時所稱重畿輔唐志居

家事從父母如父母撫從弟妹如同胞娶婦朱賢而早歿終身不

再娶育甥女為擇配贍族中貧乏者又嘗捐貲修學宮蓋所受祿

不置田產故貴顯猶儒素云雍正二年祀鄉賢通州高志

趙之符字爾合武清人一統志父完璧幼篤學好修與兄連璧同敦

孝行由薦舉任山西榆次縣主簿巡方廉其材幹委以查核多所

釐剔旋攝縣篆清操更著吏民畏愛建祠勒石見榆次名宦武清吳志

之符登順治十六年進士選庶吉士授戶科給事中掌吏科畿輔唐志

七十陞鴻臚寺卿擢都察院左僉都御史王熙怡齋趙公墓誌銘在諫垣十

有三載前後建白不下數萬言畿輔唐志以直聲著天下其言而允行

者謂江南藩司既分駐宜以逋賦分責左右司又謂緝旗人逃當

杜濫解之弊又謂練餉未輸者數無多當免又謂陝西山東旱蝗

請行賑窮之法緩徵國賦又謂明廢藩遺產不宜刻期變價又謂近畿小民多失業田土圈撥未已請還換給之地予民又謂桃源高郵寶應既以被水蠲其漕米興化亦宜豁免又謂畿輔早當命大臣清刑獄

天子悉從之其言而未得行者謂戶部綜理財賦判牘孔繁而八旗以田土相訐者眾請別設官審理又謂五歲一恤刑部差宜復又謂道臣整理郵傳不可懸闕又謂漕運剝船六百艘每艘給地十頃照地僉船行之既久積弊甚眾夫以六千頃地按額計之可徵一萬五千金莫若罷之徵其銀貯庫遇運河水淺則雇船應剝何必留此或用或不用之船以重累民為又謂予奪大權出自朝廷邇者督撫諸臣去官百姓詣闕保留以數人之奔懇豈遂可信揆之政體失宜當禁止聞者皆服其敢言

怡齋趙公墓誌銘 康熙二十

五年卒年六十有二子璘瑜瓊瓚

畿輔唐志

之篆字爾樸立身制行以古人自期敦孝友重然諾周急扶危出自天性有族叔趙某素不甚相能瀕死察肝膽可託無如篆者遂以幼孤相託篆即脫夙怨撫養之且為經其家事卒至成立鄉人

服其義舉

武清吳志

之篆無子

釋亭趙君墓誌銘

以弟之符子珣為後

杭世駿候補主

事趙君墓誌銘

璘字雯玉號冰崖至性純篤兄弟怡怡同爨四十年內外無間言

武清吳志

宗族里黨無貴賤少長悉接之以禮渾厚之德鄉俗化之康熙十六年舉人銓授廣信府同知信為江右山郡林箐多伏莽璘至示威信懸賞格期年而道梗除間攝屬邑事以循良稱治行為一時最八年陞惠州府知府潔已率屬矚然不滓

武清吳志

諮訪民瘼寬厚如官廣信時而精勤過之凡興學校禁刁訟立保甲課農桑諸大

政次第興釐以惠民瀕海時修津渡往來稱便又濬淤滯以資蓄
洩一時水利畢興郡人比之韓蘇二公焉辛卯奉盤查之命道路
奔走感患暑濕竟卒於道號送者數百人逾境乃絕年六十有四

劉謙水崖趙公墓誌銘

珣字仲琳號繹亭夙有至性十歲時遭本生母劉喪哀慕毀瘁執
禮如成人沈毅好學博覽羣書記誦輒不忘少時在京邸兄弟相
師友學業精醇康熙十四年舉人長洲韓莼華亭王鴻緒得卷歎
賞以爲有古作者風二十一年進士授中書科舍人遷吏部驗封
司主事陞稽勳司員外郎調文選復陞稽勳司郎中調考功
王揆趙繹亭墓誌銘 徧歷四司鬱然負清望
徐本趙養公墓誌銘 康熙四十九年雲南上計
簿廣南知府盧詢列在卓異而格於成例珣倡言盧君天下賢吏
顧可以常法拘耶駁如法仍別敘其賢附議末

上亦素知盧破格用之於是直道之言喧傳班列珣前後在吏部
久時冢宰熊賜履富甯安並雅相推重己丑會試充同考官會河
南學使缺以名特薦奉

俞旨以往比至官

墓誌銘

整肅規條擯絕苞苴直振拔寒峻中州人從

教嚮風至今稱道之任滿北還過濬縣愛其風土因以僑寓康熙

五十四年卒年六十有二崇祀名宦鄉賢

武清吳志

子方觀方頤

墓誌銘

瓚字贊玉澄溪其別號也康熙二十年舉人才名籍甚累上春官
不第甲申秋選河南西平西平當南北孔道土瘠而民貧瓚下車
訪求利弊爲次第修剔之一時耗派以清苞苴盡絕桑麻徧於野
絃誦騰於庠循卓之聲甲於中土居西平八年
胡作梅澄溪趙公墓誌銘 以治
績行取乙丑之夏山水陡發鄰邑田禾盡淹親率邑農相視河流
要害預爲隄防邑賴無恙
武清吳志 庚寅春汝甯大飢米價騰貴百姓

冀發常平之粟諸邑宰率以未奉上行爲辭瓚慨然曰小民嗷嗷

待哺必申請後舉溝中瘠能久埃乎爲民父母畏得罪而坐視民

死吾不忍爲也遂盡發倉穀萬二千石賑之及秋大熟民感君恩

爭先樂輸不旬日而前數已足墓誌人比之汲黯召信臣云卒年

五十一崇祀鄉賢武清子六人方震歲貢生方豐太學生爲琮後

方履增廣生方謙康熙四十七年舉人候補內閣中書舍人方需

歲貢生方異附學生墓誌

方觀字用賓康熙十一年舉人內行修謹譽著閭里以文章經濟

自負徐本趙養歲甲辰大興黃叔琳以吏部左侍郎出撫兩浙廉

方觀賢薦於

朝

召見稱

旨立命以主事擢杭州北新關稅關務向領於撫臣檄一丞倅主

之官攝而權輕豪胥舞智囊橐爲奸故商困而額屢缺方觀下車

搜剔前弊杖其魁一切陋例悉報罷杭世駿候補主吏畏若神商

賈便之武清不數月叔琳以蜚語罷後事者疑方觀有私祕相偵

察遂歸不復出卒年六十六方觀事繼母如母事兩叔母如繼母

一味之甘必獻而後嘗補衣縮食躬自節儉解推所及累什伯而

不惜也有六子皆有聞於時墓誌

楊之柄字柏梁號九春良鄉人順治十六年舉人除稷山縣知縣

陞刑部主事簡甯波府知府爲人性直而通敏處事一以是非爲

斷不徇人毀譽曰行吾心所安而已爲文疏宕有奇氣山東有黃

家瑞者令良鄉奇其才厚遇之黃文力追兩漢少許可而獨心折

之柄自以爲不及後移宰他邑招入幕其讞獄之文必假手成之

嘗曰吾堂可無吏吾幕可無客其莅稷山也初下車聞前令賢慨然曰居官當如此矣稷經疥痍後之柄殫心撫字不遺餘力其大者請蠲荒地逋糧三萬餘減舊額之半編邑戶三十六里爲二十四里均役輪差以故賦薄徭輕民至今賴之其官比部也佐以經典所全活居多曹郎例分覽案牘一字失簡則有堂責人多厭苦之之柄封繳獨先同官每私託代直之柄欣然應之爲元坐署中循閱無倦容曰吾卽以此練勤且諳習故事不猶愈乎故其守甯波也凡六年精密宏達處盤錯能迎刃解如除吏弊裁差擾折訟獄懲豪猾賑荒弭盜諸政罔不措理適如其尤難者舟山之役軍書旁午凡備糗儲菱造舟治甲百務畢萃於一身之柄目矚耳聽口答手揮環中四應不病民而事舉濟之柄初至郡時浙大吏欲廉某陰事之柄曰良令也保無他大吏又命監司示意必欲實其

言之柄又曰不可令竟賴以全其持正不阿如此未幾以疾卒卒

之日城門卒若聞有呵殿而出者或云見之柄從騎入廟故民爲

立祠至今尸祝之不忘焉事聞入祀名宦

楊公墓誌銘

查日乾字天行高祖秀自江西臨川遷宛平遂家焉日乾三歲而孤母劉以育以教姊聳山陰馬章玉知儀徵縣事迎之往除夕陳諸裘服恣親串所欲取日乾年甫十二獨端坐不爲動旣長奉母來天津時倉場總督洪尼喀順天府尹劉元慧皆其父舊交數請相見久始報謁卒不一通竿牘有爲讎所誣陷京兆獄獄急闔室聚泣不知所爲日乾聞之立白府尹直其事德日乾甚奉三千金爲壽笑曰某故貧肯爲京兆鬻獄哉卒郤之後用鹽筴家漸起長蘆逋賦累萬艱於稽核朝使來熟日乾名坐之堂上輒詢條目日乾口陳手畫洞中窾會帀月悉定又以商力彫劫陳請爲善後計

使者用其言上請利貽至今天津為禹貢九河下游白衛二河水
遇淫雨輒建瓴而下孤城懸水中廣野無廬井日乾倡首設賑屢
拯民於墊阨全活無算環城隄岸如渠黃口老君堂教場單街等
地衝決不時夙稱險要日乾親督畚鍤增高蘊厚卒用安堵長蘆
奏銷屆時官商屢以稽緩呈吏議日乾措施有方藉以全者不形
德於唇吻城西旅舍數十區每歲遍除客之不能舉火者隱為償
之歷久無怠色晚乃放意山水而卒年七十有五日乾長身鶴立
音旨洪朗料事若神應變不測攬環贈佩之好幾徧天下而生死
不相負山陰王揆長洲談汝龍會稽陶良玉先客死京師皆親視
含斂以輜車數千里歸其喪太原郭氏貫累鉅萬託孤日乾日乾
翼而長之弭其內難家賴以不毀母劉疾革時終筆繫都門不能
盡大事痛毀幾絕得歸營葬築室墓旁三年不忍去墓園所自號

也讀書不為章句於史事尤精撰史腴若干卷嘗曰學不為世用
縱文彩彪炳猶瑤楫之不可以川玉弦之不可以矢也雍正九年
子為義

地封承德郎江南淮南儀所監掣通判子為仁為義學禮

杭世駿查君墓誌

為仁字心毅年十九舉康熙辛卯鄉試第一主試事者武進趙申
喬也申喬故以革銅商事與執金吾陶和氣者相水火欲甘心焉
謂榜首固富人子且少年名不出里閭是奇貨可居遂鈎致以興
大獄既鍛鍊成而為仁當死罪長繫請室為仁固才士既顛蹶無
生理乃就白雲司葺板屋數間日讀書習靜其中高雲上人為榜
曰花影庵國朝詩人小傳三數年而後得釋蒲褐山房詩話遂絕意華靡頰首書
窟萬光泰庶人小傳七略四庫恣意佃漁國朝詩人小傳作為詩歌以自娛萬光

泰蔗堂稿序皆清新微婉耐人尋繹蓋為仁嘗學詩於初白庵主又與

厲鶚杭世駿萬光泰汪沆諸人游故一洗粗獷浮廓之習歸諸雅

正紅豆樹館詩話為仁既出獄國朝詩人小傳築水西莊濱運河有南倚草堂

數帆臺攬翠軒枕谿廊水琴山畫堂諸勝兩村詩話慕古人顧阿瑛

徐良夫之風蓄積書籍廣開壇坫名流宴詠殆無虛日許佩璜刺

史贈之曰庇人孫北海置驛鄭南陽其豪可想隨園詩話於丙寅春

夢雙鳳飛集榜各銜金篆字一曰貞一曰福後納二小姬名適與

之同因作雙鳳圖鶚題句云蕙蘭原自含貞性風雅何妨號福人

蓋用元廉夫晚號江山風月福人事也兩村詩話導師為贈道號曰

蓮坡故又稱蓮坡居士云國朝詩人小傳有蔗堂未定稿六卷外集八

卷畿輔詩傳二十九子善和字用咸號東軒畿輔詩傳四十三學問博雅善自韜

晦好吟詠所著甚多津門詩話小傳有東軒詩草善長字樹初乾隆十九

年進士官刑科給事中寄籍天津善和子誠字衛中號海漚乾隆

四十二年舉人官郎中畿輔詩傳四十八詩酒自娛有蓮坡遺風家起小

園疊石蒔花積書萬卷無不披覽津門詩話有天游閣詩集畿輔詩傳妾程

亦能詩津門詩話為義字集堂畿輔詩傳三十一少儻八歲即能作大字長益博綜經史

期為有用之學不屑屑以文藝求進取會

國家有事西陲為義投筆轉餉塞上論功授安徽太平府通判通

判雖散官為義獨留心民事利弊無不言同僚莫不嚴憚鄰郡偏

災飢民過境者為義具粟分贍各以舟護出境所活無算而郡人

亦賴以無擾時兩淮鹽法敝制軍尹繼善欲更張整飭乃奏設鹽

掣擇廉能吏司其事遂合舉為義擢淮南儀所通判在任八年覈

虛實絕苞苴介然不避利害積弊以清方以治行尤異薦而適以

父喪歸遂不再出

紀昀查公墓誌銘

為義風期清遠學無不窺善蘭竹花

卉具簡淡蕭疏之趣

津門詩鈔

年六十三卒子三長溶次田次杰

紀昀查公墓誌銘

墓誌

孫彬字憩亭乾隆四十九年進士歷官河南信陽州知州

詩傳四十七

禮字恂叔號儉堂

畿輔詩傳四十七

能吟詠喜賓客襟抱與兄相似

蒲褐山房

蓮坡居士闢水西莊館大江南北之彥時禮甫弱冠每有倡和

出語已驚一座

紅豆樹館詩話

乾隆十三年授戶部陝西司主事

查涪銅鼓書堂

遺稿

後序輦下名士咸與攬環結佩文酒之譙無日無之

紅豆樹館詩話

以同

知發雲南旋改廣東補慶遠府理苗同知擢守太平太平界安南

為廣西邊境猺獞雜處禮撫循教擾瘴鄉窮谷巡行殆徧以母王

年高陳請終養起補四川甯遠府知府明年授川北道調松茂道

三十六年有小金川之役隨營總理糧餉三十八年將軍溫福進

勦大金川駐軍木果木賊勢猖獗禮時駐美諾請兵往救兵遠不

驟至遂調糧臺兵二百餘人募丁壯百餘人偕遊擊穆克登阿往

援行至猛固橋聞喇嘛寺糧站已失士卒狼顧不敢進禮曰我退

賊必躡我我軍亂賊必乘亂擊我勢難免矣整旅而進以待後軍

必無患會松茂總兵福昌亦自美諾至行次破碉遇伏擊之擒斬

寨首二人喇嘛一人餘賊驚遁聞賊攻八角碉甚急分兵救之而

已偕福昌馳回美諾禦賊多舉號火賊不敢下是時木果木已失

美諾勢不能保乃退守達圍三十九年將軍阿桂進軍谷噶山籌

改運道召禮問計請開楸坻之日爾拉山以通饋運山高五十里

無蹊徑積雪六七尺終歲不消禮縱火燒東鑿石為磴匝月功成

四十七年大兵凱旋仍留綜理屯政而果羅克復有劫殺蒙古公

里塔爾之事奉

旨緝犯禮發成都而總督於前二日已撥兵出紅橋關禮日果羅
克生番獷悍土地遼廓無城郭室廬之聚我兵出關賊已遠遁何
益之有乃檄官兵入關揚言塞外苦寒俟來春再舉而密調三雜
谷土練四千會于松岡銜枚疾進至境始宣諭奉

旨來緝賊餘人無罪酋長麻克蘇爾袞布進見禮問賊所在對言
不知禮怒命檻車解送成都酋惶怖具言賊主名區處悉擒之由
是西北諸夷皆震悚四十四年授四川按察使次年轉四川布政
使四十七年升湖南巡撫入

觀留京卒年六十有八禮少好學問老而彌篤雖戎馬倥傯簿書
填委未嘗一日廢書於軍國機宜民生利病講求最悉其溫柔敦
厚慈祥愷惻之意往往見於歌詩

查涪銅鼓書堂遺稿後序有銅鼓書堂遺稿
二十二卷畿輔詩傳清新婉約出入王孟韋柳間者出守粵西以前作

也登山臨水慷慨振刷駸駸乎闡杜陵之室滇蜀軍興馳驅戎馬

間作也清而能腴雄而不肆誠與蓮坡居士異曲同工而驅役卷

籍刻畫性靈之處殆欲突過伯氏嗜畫梅紅豆樹館詩話尤嗜古印章金

玉銅資自吾子行王厚之而下名人鐫刻者無所不備藏弄至有

千餘生平莅蜀最久而居西南松潘徽外者十嘗八九崎嶇險阻

為羌人所服偶歸省重築楊文憲升庵蓺花竹招邀為文酒之會

士大夫至今猶樂道之蒲褐山房詩話子涪

涪字厚之國朝正雅集小傳善篆刻故別字篆仙工詩為沈德潛厲鶚萬

光泰諸人所器畿輔詩傳著有梅舫集正雅集小傳任四川南江令邑

有大巴坪深林密箐人蹟罕通涪白大吏闢榛莽招土著厯攝通

江巴州南部事每日所謂知縣知州者於州縣民瘼無弗周知興

利除害乃為稱職耳旋調宜賓時金川軍興奉檄總理軍需政務

填委綜理裕如欽使李湖將軍阿桂深倚重之升雲南趙州知州
後擢廣西平樂府知府有事安南

上曰查淳向在四川理軍需稱幹練其令速董厥成阮藩顛降以
卓異薦所屬全州饑饉民肆掠勢張甚淳密遣幹役偵獲首從分
別懲創之居民安堵簡江蘇常鎮道糧艘膠水次淳剋日濬治漕
船無滯補湖南糧儲道黃水泛溢轉運維艱淳擘畫有方履險如
夷晉江西按察使贛州民變或欲興大獄淳曰吾不忍以人命為
菅蒯也置渠于法餘省釋入為大理寺卿旋

賜六品銜致仕淳天性肫摯尤篤於任卹宗人二瞻居士

國初老宿流寓維揚沒無子淳為表墓立嗣焉生平遠於學尤殫

心經史少隨父任粵西講求水利著靈渠紀略三卷孔昭焜查子

林字松生號花農官雲南州判畿輔詩傳六十天資高邁所學甚深自少

即聞其祖若父之教黎訥花農詩鈔序足跡徧天下其詩不主一家沈鬱

頓挫間以流麗史昂花農詩鈔序於君家初白老人衣鉢獨得黎訥花農詩鈔序

有花農詩鈔六卷畿輔詩傳六十

并在字存士文安人順治十六年進士山西平陽府推官精敏獨

任吏畏之莫敢仰視而決讞多所平反疑案不可究詰者務寬期

以致正兇不急於煅鍊入人罪嘗曰事固有急之則兇奸之彌縫

益密緩之則無意之洩漏可期誠聽斷者之明鑑也畿輔詩傳十三值裁

缺改補永安令縣隸惠州惠與潮犬牙相接而永安之南嶺大山

四周交連四邑之界最稱險利撫目李唐宗者大猾也盤踞其中

蓄髮陰謀不軌矢石械器俱備聚不逞之徒千餘人又使其子如

冕等統礦徒四五百人於赤溪開採招集亡命橫於一方前令莫

敢問在至則修浚隍陴團練鄉勇為未事之防已而三藩煽亂潮

鎮劉進忠密授偽符陰納唐宗爲犄角在遣役林奇等以鐵匠入
山具得其狀密申撫鎮陳擣穴之策選勇之精壯者三百餘人爲
親丁結以恩信日椎牛饗士先是副賊李海政焚掠邨寨在設伏
擒之已而撫檄下鄧副將進兵協勦在部分鄉勇扼據要塞而自
以親軍會鄧抵山下賊兵在海上者不得合而逆鎮劉進忠亦以
先期未發救援路絕唐宗遂確髮出山詐降冀以緩師而待援也
在決計勦蕩遂麾兵梯山抵其巢按得偽隆武印勅各一及與潮
鎮往來書遂斬唐宗於軍前而殲其黨與獲旗甲器械無算雪其
民之脅於賊者百餘家南嶺平撫軍劉秉權上其功格於部議未
敘績而訃至黃叔琳青溪先生傳北歸服闋再補興縣還里以詩酒自娛家
居九年而卒所著有天文纂要八卷鐵潭詩集六卷鐵潭文集二
卷合河署詩集一卷讞語錄八卷講約六論解一卷麓蟬集四卷

文安
楊志

尹肅京通州人

畿輔唐
志八十

康熙初以貢生授吳橋訓導官舍領圯

通州

高賃居邑之劉氏宅見壁中藏白金四甕戒弗啟立召劉氏子還

之

畿輔
唐志

吳橋前令某罷官後旋卒以子女託肅京爲撫養婚配年

八十九卒祀鄉賢

通州
高志

王綱肅字清寰宛平人性至孝由太學生選鴻臚寺序班父亡每
退直述先訓必潛然泣下因號曰修嚴志不忘也有親故以貧依
居越二十年賴其舉火偶買一婢詢係南昌士族遂訪其夫還之
鄉里羣推爲長者陞福建鹽運同知釐剔積弊力請捐豁逋欠一
萬七千有奇商民便之遷台州府太守時台駐兵馬數萬與軍府
約兵不居民舍民不供軍食軍民以安有重辟獄十八人鞫其誣
盡釋之台民咸曰昔之召杜今則王公未幾卒

宛平
王志

紀愈字孟起文安人

幾輔詩傳十八

父克揚崇禎戊寅

大兵破文安克揚不屈死愈哀毀骨立奉母訓鍵戶讀書不涉外務壬午霸州道趙課闔屬士子以七藝糊名分投如棘闈例愈居第二人爭目色之一時雁行之盛大城則稱劉漢儒霸州則稱郝惟訥同里則有陳侍郎愈以文章聲氣頡頏其間名噪畿南乃每試輒躋益復拓落往往使酒投博習為名俠能濟人之困遠近交

稱之

張英紀都諫傳

國朝康熙六年進士授內閣中書遷兵部職方司主事擢戶部給事中掌科愈夙具偉畧迴翔禁密有年己酉土寇擾城愈倡先守禦邑賴以安康熙十二年隨大將軍勦江西逆賊恢復撫州幾輔唐志其時居民為賊所迫脅者衆幾有火烈昆岡之懼愈以至誠感悟將帥為敷陳

朝廷好生之德

紀都諫傳

且言若從重典必堅人從賊之心故皆得招

徠安集全活者甚夥或遺以所俘婦女貯之別室訪其夫還之

幾輔

唐志

其為諫官即首言逃人株連之害禁其妄指主家詐陷良善禁

網得寬愈之於事必舉其利澤久遠福及庶兆者言之其指瑕抵隙摭拾瑣屑以塞言責者深恥不為也典試中州號稱得人視權

龍江能祛積弊至今綸扉諫垣之間稱為老成持重可為同官模楷者則必推愈云歿之日早起日色向午呼取棋枰與韓子叔錦

對局子未數行而溘然逝其仲弟昞哭以詩有云手拈棋子端然

逝更得人天正路開蓋實錄也

紀都諫傳

康熙三十二年入祀鄉賢

唐志

子遴宜字毅亭康熙三十三年進士仕蕭山令歷官吏科給事

中有式綸堂集

文安楊志

遴宜子恆字任甫諸生有藤花書屋詩草

幾輔

詩傳三十一

咸字中涵雍正元年舉人官安徽旌德縣知縣孫晉

文安楊志

晉字企瞻乾隆三年舉人

畿輔詩傳三十五

以明通榜授邢州學正俸滿

遷邑令得江南之當塗調桃源辦災賑請開倉不俟報牒全活無算既而堵禦六塘河水明年督捕蝗蝻與民夫兵弁雜作歲以無害調甘泉甘泉爲揚州附郭縣水陸之衝號爲難治晉下車而商民帖然過邵伯湖知二牖將壞急牒請當道爲先事防或阻之未果已而牖陷隄壞部議落職遂卒年五十有二

李中簡紀公墓志

有寶樹

軒詩二卷

畿輔詩傳

井睦字方思文安人康熙十七年進士內閣中書舍人出爲衢州同知衢當兵燹之後人物凋敝久制府移鎮於茲供應復繁睦至之日茹素布衣不受民一詞不擅差一役自以職司捕務清嚴保甲禁絕匪人而諭民以孝弟力田數年之間民安盜息又篤愛兄弟赴衢之日盡以田廬給諸兄子以爲寡嫂之奉而族子甥姪輩

之困乏者皆以自隨至署共食粗糲久而不厭睦樂於作人講學不少閒一時士風振厲才俊騰達其遠者聞風相慕以不獲出門下爲恨由是睦名震兩浙撫軍趙士麟尤愛重之故多所委任兩署金華嘉興篆及繪畫河山催運

皇木分校文武闡清丈西安田諸欽部大案咸以委睦睦匪躬竭節勤敏清純位不易府佐而勞苦過之金嘉之俗素健訟化之如化衢人而嚴飭屬員禁革火耗肅清漕白兩郡稱治去之日襍被蕭然身無長物惟送者哭聲數十里而已繪圖運木供給皆稱貸以行不動父老一塵所過不知有官民攜婦子夾路縱觀以爲歡笑撫軍入朝引見

上問循良吏以四人對而睦其首也詔以爲河南知府得命卽去署儻居杭州薪米之費朝不保暮時河南屬吏遣役投批遠迎所

齋長途公費約千金拒弗受併其批還之而自以典質度日是時

也積勞病作藥餌無資遂卒年五十三衢人巷哭者相聞遂列其

政蹟上之學使者請以名宦祀孥與櫬不能歸馬如龍知杭州府

始援以北還韓葵井太守傳

張烈字武承大興人一統志按陸隴其三魚堂集云先世浙江

居大興生而英敏喜博聞強記北學編二讀書數行俱下長即潛心性

學李集鶴微錄一毅然以閑邪衛道為己任幾輔唐志七十八所著書皆有闢人

心世道之言康熙九年進士授內閣中書一統志按鶴微錄四庫全書總目皆云授

中書惟尹會一北學編作除思平令互異由禮部侍郎楊中正刑部侍郎任克溥薦舉

錄一徵召試鴻詞科授編修先正事略三十充纂修明史官每立一傳必博考詳

徵傳信傳疑勿得附會北學編二分撰朱之馮金鉉史可法張縉彥羅

俊金毓峒等傳淋漓痛快極得史遷筆意全祖望己未詞科錄二著讀史質

疑云明道學傳可以不立初甚駭其論潛玩味之此言非孟浪陸隴

其三魚堂隨筆遷贊善預纂修典訓館事盛暑嚴寒從不一假每朝會敝

車羸馬蹢躅風雪中弗少懈也北學編一性至孝事繼母委曲承順人

無間言幾輔唐志自為諸生以至立朝始終以清白自勵不屑世俗榮

利純如也三魚堂文集然性好施與每有所入必留其半為利濟之用

凡同年已故有親老子幼婚喪未終者竭力區畫如家事北學編二年

六十四卒祀鄉賢幾輔唐志七十八

高裔字素侯宛平人幾輔唐志七十四父以事成黑龍江父母命裔守市

肆裔且市且讀方苞高素侯先生壽序成康熙十五年進士幾輔唐志入翰林上

書求代成詣通政司都察院皆不達會贖罪例開乃涕泣告請於

師友卒贖父以歸壽序以孝聞天下幾輔唐志父少豪宕不可羈束而母

師友卒贖父以歸壽序以孝聞天下幾輔唐志父少豪宕不可羈束而母

師友卒贖父以歸壽序以孝聞天下幾輔唐志父少豪宕不可羈束而母

師友卒贖父以歸壽序以孝聞天下幾輔唐志父少豪宕不可羈束而母

謹禮法不相中父自戍所歸裔以為難後天屬復完方苞高公墓志又一

親篤老當更歡洽而居常漠然遇事仍嗃嗃裔用事雖富貴恆蹙

蹙如窮人無所歸終其身云及視學湖南壽凡科歲試所拔弟子

置前列者後皆掇巍科或為世名儒桐城方苞其尤著者也得人

之盛世比之敬輿永叔云飛鴻延年室筆記累官大理寺卿卒祀鄉賢畿輔

唐志

范瀛珮字蜚鳴寶坻人康熙戊午歲貢生少穎悟讀書一過目即

通曉嘗苦家少藏書乃悉鬻所遺產購書數千卷風朝雨夕披吟

不輟貧至無以自給人或尤曰聚書能療飢耶瀛珮坦腹示之笑

曰此殊不朽其風致如此康熙甲寅奉

詔修志邑令牛一象選文望秉筆瀛珮居首無何大學士杜立德

家居遂主其事瀛珮曾偶脫一稔立德欲有所更動固執不可曰

易隻字即難以傳信學士領之而已未竟志局竟謝去後任廣平

訓導所著有詩古文各二卷寶坻洪志

王采初名案字同侯寶坻洪志順天寶坻人父乃餘順治甲午舉人朱筠

北臺先生墓誌銘生而敏雋出語驚長老康熙四十三年貢成均為大司

成所器寶坻洪志分教習胄子采終日莊坐程課有法肅若朝典所教

多成材者錢名世王君墓誌銘期滿當銓次為令采弗就也讀書善考訂發

四庫書紛紛薈萃靡不條貫為文日渾博無涯淡會子枚士由鉅

鹿教諭選常州同知采年已六十餘矣猶應試再不售乃曰自今

當撥棄舉子業一以詩古自娛耳枚士迎至江陰署訪邑中名宿

朱近庵蔡嶽樵孔秋岩輩登君山望長江飲酒賦詩淋漓盡致逾

年歸枚士亦旋以養親還也每扶杖攜壺眺遺臺尋古碣徘徊空

山老樹間興之所至短歌長吟即蘸筆書之書法逼古人以擬唐

詩晉筆

寶坻 錢名世王 洪志 君墓誌銘

枚士字北臺早入縣學爲諸生有名遇試於鄉輒報罷久之聞考官某執其卷固爭欲置上第不得枚士曰命也請於父循例就選得鉅鹿訓導三年所指授皆有程式晉常州同知常故劇郡而同知有清軍海防之任枚士一治以嚴明明斥堠所在猾胥奸民睥眈跼蹐不敢縱趾居數月常人頌之曰風何清清公門無塵生時巡撫張伯行察枚士能令視青浦縣事縣有疑獄數十年莫能斷決吏奉牘送案上牘積等人立了不可竟首尾枚士到纔逾月盡發其情吏驚以爲神枚士乃徐徐問弊政配刺一切去之名大起而一時嘉定有河患鎮江運道歲淤久當濬及蘇郡督視漕糧若煩劇紛錯之會必以屬枚士往嘉定時中流舟覆從者倉皇出之曰勞苦吾分死生吾命何憚乎其治常也郡俗好譏鬼於城隍祠

則爲土偶役夫立於旁民病輒曰土役爲厲禳之愈其間南蘇北鎮雜遼羣來走盜賊得因緣爲奸利心固恨之會攝府事卽大書署之通衢曰城隍有神豈令役夫厲吾民也耶取土役笞碎之民俗以革盜賊稍解去其勇直守正有如此自枚士之任奉迎父母官所父不欲以家口累其清節自載耕入所餘而南出以佐之枚士益用自刻厲每出反則必以所設施旦晚陳之堂上爲笑樂枚士強敏才氣百倍遇事以爲無不可刻舉者同官咸服其能亦坐是爲有力者所忌已當內遷爲郎竟嗾之罷去時枚士父母已先歸枚士到家父母迎謂曰汝不阿上官得爲清白吏歸來豈不善哉自是終父母之身不出乾隆四年卒年六十子詢讚湖北荊州府清軍水利同知謙候補州同知

朱筠北臺先生墓誌銘

詢字舜夫縣學生入貲爲七品京官其冬選授奉天府經歷數啟

事於府尹輒言其大者一言復州當改爲州治曰復州所在廣袤數百里一切田畝錢糧盜賊人相殺與州縣等今止設通判一員駐劄旁無所屬官吏一人不得兼顧請汰省通判改設知州一員吏目一員並請立學設官令復州士子故隸蓋平者咸歸新學良便一言古義州當仍爲州曰今廣甯有古義州遺址按其地在漢當遼西郡之秦縣唐置巫閭守捉城遼爲宜州領宏政開義二縣金置義州崇義軍統三縣元義州屬大甯路明屬廣甯衛後廢州改衛我

朝定鼎初義州間錯入蒙古地界康熙四年始隸版圖十六年設巡檢於此雍正初元分錦州府通判駐義州五年又移通判於復州而義州仍設巡檢隸廣甯縣按義州當廣甯迤西九十里中間以巫閭山山西一帶半隸錦州旗界錯綜人易滋事加以毗連蒙

古部落五方商賈雜遝涉訟徵糧越嶺阻險延稽時日官民掣肘受事累月以來備稔其艱請改設義州州治以復古名州東則當以牽馬嶺嶺脊爲界其三面並據現在義州城守尉所隸界無論錦與廣甯所在地丁當界以內者悉歸隸新州州設知州一員吏目一員且請廣建學宮定諸生額如廣甯數增設訓導一員訓迪士子而界內一切知州吏目治之有餘裕矣時府尹武陵楊超曾俞其言曰吾行奏請之旣而雍正十二年竟陞隸蓋平之復州所在爲復州隸奉天府又陞轄以廣甯巡檢司之義州爲眞州隸錦州府於今兩州人士冠蓋相望甲關以東矣其議並自詢實發之又以

世廟有宣諭直省先事備火多貯水桶水銃鉤鑷麻搭之旨請令奉天民家置水缸及桶一於門貯水恆滿官出入爲躬驗並移奉

天將軍令各旗處處行之以備不虞又言奉天錦州所屬諸倉廩積糧多至十餘萬石年深糧腐所司代去數以償逋爲病今請大縣存糧以十萬石爲率中縣六七萬石小縣三四萬石計歲歉足以備民食餘悉糶賣輸直於盛京戶部充餉庶以歸實濟而釋官負又言北鎮廟在廣甯縣西自虞舜封醫巫閭山以鎮幽州歷代並加封祀著爲令式比者益崇修葺每遇大典遣官祭告而守土有司未獲以春秋致祭近比混同江例殊異詢愚以爲當移文盛京禮部以時具備祭物檄廣甯知縣行禮宜凡所言先後悉采用詢在官輒據所是爲上官言侃侃不少推隱幾忘其官之爲七品也上官異其才欲試以事一檄攝廣甯縣再攝府通判一攝治中皆舉其職八年癸丑呈事降調歸年三十有五家居閒而業豐則好行其德乾隆乙丑會歛洪肇林來知縣事重葺明袁先生黃所

建城東文昌閣濬閣前池如泮壁狀中植菡萏環以隄柳詢喜爲力肩其事輒出橐金營社學於閣下延師以教鄉之秀者凡數年人人成學以去平生慕重薊州李先生孔昭之高行爲刻其遺集秋壑吟一卷凡遇前賢遺墨自晉唐宋明以來或家所藏及假諸他氏者召工摹勒上石銜諸櫺園之壁園中築青箱樓高出一城中中貯書萬卷登樓讀書暇則周眺環縣諸山以娛老焉卒年七十有九子三長振聲兵部司務次振翮貢生次振翹

朱筠王舜夫先生墓誌銘

杜立本字華生文端公立德弟年十七補諸生旋丁贈公憂時染疾卧牀匝月矣聞變披跣哀號伏苦次勺水粒米杖而後起立德回翔臺閣受

兩朝聖主之知由大家宰存登政府時立本往來京邑於京則任贊佐於家則任督理訓誡宗人無有招搖炫惑竿牘於縣吏者約

東僮僕無有鮮衣怒馬呼飲於酒家者至今稱家法之善推杜氏焉遇

覃恩立德篤念同氣惟立本在遂以名上授刑部陝西司員外郎奏讞無所阿徇一歸於正辛酉恭送

仁孝皇后梓宮事畢

賜宴及幣四月轉戶部山西司郎中奉職益謹癸亥以積次出爲江南廬州府知府時立德方致政里居母劉亦春秋高立本戀戀不欲行曰吾不欲叱馭易南陔擁麾違雁序也母責以大義始勉就道廬州雖江南大郡然瀕江帶山地瘠民悍徵求科派率官一而吏十故刁民藉爲口實訟訐無虛日立本下車卽革牙帖之陋規凡千餘金詳慎刑獄無枉濫者推求民隱無陳滯者興學校嚴僚屬絕苞苴尤急於荒政遇歲歉煮賑請蠲緩征寬役以一古循

吏之道治之悃幅無華不爲矯異廬之人勒碑頌之後以微累罷人咸欲立本往白當事可寬其咎立本曰吾不奉菽水十一年矣鬱鬱居此望雲興歎縱官三公曷若歸侍高堂之爲樂耶圖書數卷蕭然抵家課田園督種植杖藜布褐往來田坂間遇之者不知爲太守也性好施與歸家後益甚邑常遭水歉立本捐家粟數百石以賙親友鄰里之貧乏者或曰是宜留爲來歲備立本曰邑之人非吾族黨卽姻婭人飢吾能獨飽乎一無所惜王之樞杜公墓誌銘迄今里閭間猶嘖嘖稱道不衰云康熙五十三年從祀鄉賢甯河關志紀昃字朏菴號仲霽文安人諸生畿輔詩傳九赴棘圍坎圻失職輪困鬱塞之氣一發於詩故其詩益進陳儀紀康熙十八年薦舉博學鴻詞畿輔詩傳以天性疏放恐妨游覽稱疾不與試鶴徵錄車轍馬跡幾徧天下所至皆有題詠故所傳爲最富王企靖七家詩選序有桂山堂

集八卷

畿輔詩傳

尤工於賦

紀昀紀邁宜儉重唐詩序

戊子三月卒

紀徵君傳

郝士錞字子希霸州人康熙十八年進士授直隸順德府教授卽以振興文教爲己任數年卓異薦陞山西孟縣革陋規清耗羨緩催科興教化他人行之以名者士錞獨以實心出之行取兵部督捕主事缺裁改戶部陝西司主事遷山西司員外郎晉禮部儀制司郎中歷三部四任聲望蔚然歲乙酉陞湖廣漢陽府知府漢陽所轄祇兩邑然漢口一鎮當數省之衝舟車往來百貨輻輳官斯土者向納商稅之贏以自潤士錞至盡請裁革大吏笑謂曰曷留少許以養使君之廉乎士錞正色對曰釐弊務盡甯敢自爲計而留遷就之私卒勒石永禁商民德之總督密疏上

聞值甲午秋

上預簡學臣在廷又交薦遂陞按察使司副使提督雲南學政試

雲武兩府拔孤寒杜請託以校閱積勞疾作請告將去滇紳士作爲詩文以志去思撫軍入告疏曰學優守潔考試公明惜其不能終事蓋公論也北上抵漢陽舊屬父老競治酒漿具雞黍送之舟次請暫留士錞重違羣情遂緩解維遂卒於漢陽年六十有五子三長需歲貢生次霽歲貢生次霽監生雲南學政按察使郝子希先生墓誌銘楊雍字西涇畿輔詩傳二十先世居沙漠以軍功世襲指揮千戶因戍寶坻遂家焉曾祖來復祖翻父孝純皆諸生趙執信楊君行狀雍康熙十一年舉鄉試第一畿輔唐志七十九京兆人文之盛莫如是年而雍爲解頭楊君行狀學術深醇文體一準先正畿輔唐志由是名大噪從崑山顧亭林先生游受左氏春秋邃於經術十八年成進士授庶吉士習國書雍資既絕倫誦讀蚤夜不輟凡所繙譯雖先輩精於是者無不稱歎焉辛酉秋

御試優等授檢討寶坻 洪志甲子夏

朝廷以會典未成開館纂修雍分纂工部案積如山窮力為之疑

寒盛暑披閱不倦以勞瘁卒楊君 行狀生平以清白自矢蕭然自樂卒

之日幾不能殮造其室荻簾土銚布被不覆身人尤重其清操康

熙五十年祀鄉賢畿輔 唐志

李可翹保定民也己丑土寇陷城縣役馮某與可翹父有隙以乘

機竊取官物陷之適總兵剿賊至縣索之甚急可翹謂父日事急

矣無可救免見請代死語未竟兵役畢至可翹挺身認之遂被殺

保定 成志

芮濟字允康寶坻人幼有至性年十六怙恃兼失捨地呼號寶坻 洪志

毀幾滅性含殮之日直願身殉舉宗環號守之得不死三年中濟

濟漆漆未嘗一破涕撫兩幼妹一穉弟李堂 芮君 墓誌 銘左提右挈日久

不離常含糗糲口哺之保護惟謹其弟淮也稍長出入必偕偶不

見即急覓負以歸時家計不支濟僇力為治生計然未嘗廢學既

有室乃以家事委之獨與弟攻舉業雨榻風窗篝燈不輟遂得先

後游庠顧中年久困場屋恆鬱鬱不自得及壬午乙酉間兩姪連

舉於鄉己丑復傳成進士濟且喜且悲曰祖宗緒始不墜矣天性

儉食不兼肉年過七十為具甘旨費輒卻之曰我茹淡久不慣他

味也然睦親族厚交游遇緩急又往往傾囊為之伙助復傳並仕

錢塘令濟悉哀其歲入為宦資令弟寄語云此去當不名一錢乃

不負都憲家聲也厥後復傳歷任越中寶坻 洪志廉隅不移苦節清操

冠於兩浙李堂 芮君 墓誌 銘濟實有以玉成之寶坻 洪志雍正九年卒年八十

九李堂 芮君 墓誌 銘

復傳字宗一號衣亭康熙四十八年進士畿輔 唐志擧籤得錢塘

縣時例繕履歷三百字於

暢春園

聖祖命

南書房記復傳名行之官召縣吏悉除諸無名錢曰官足給饗殮辦已吏竊笑之縣有金三者故交通上官署為姦利暴省中縣故莫能制復傳立逮之至曰某有罪無案公柰我何復傳曰若罪信也若不克自贖吾為若贖之杖且械斃焉一府大快縣民有僕婦無故雉經於門尸家居以為奇貨復傳立至門驗無他令曰尸家速收婦尸士民戴激會庚子秋浙江省試檄分校朱筠丙君墓碣銘所得皆知名士嚴海珊遂成其一也紅豆樹館詩話己丑杭旱復傳履畝勸實上其狀上官以錢塘首縣躊躇欲寢不報復傳固爭曰律有捏災匿災並當劾某今日請受捏災劾矣時同城仁和災報先寢民千

人跣走圍署呼曰錢塘父母我仁和獨不父母我耶須臾自縣呼達院上官感動是年杭竟以災聞開永濟倉行賑復力請於縣之上四鄉下八鄉設粥廠二十有七水陸轉米屬之廠令曰食米者應轉米役則更擇其鄉之端謹有行者厥坐四人董賑事復傳聞微行覘曰善則勞勉之而撻其胥役之行擾者上官聞之喜曰帑不費而賑溥其令他縣以為法省有駐防營卒往往出城馳躡民田復傳申文上總督署願以便宜治營卒縛躡者來立鞭之民相語曰卒不踏吾田畏公黑頭鞭復傳聽訟既無留獄他縣訟者咸籲上官甘就復傳鞫有疑獄上官亦輒以委之居五年民謠之曰芮青天邊清廉時總兵官邊某鎮杭與復傳名相媿也雍正初以卓異薦未上

世宗特詔來京諭曰錢塘地大若在官有聲其命爾知温州府往

益勵初節也復傳頓首謝溫故例民應輸織造府柑貢歲期至則
檄封園樹禁民毋走其納也擇色擇枚中斤中兩累民百端復傳
飭所在相取足貢數織造不得言其他民勒石府門以頌之境商
辦官鹽不行而私鹽積復傳爲設三團集竈戶定直竈直益足則
私鹽息官賣直益廉則鹽不督自行人以是服其平也天台山東
南有山曰玉環廣袤八百里隔海洋數百里而遠明方國珍所保
也或曰山中有田可墾十萬畝時李敏達衛總督浙江聞之以入
告卽檄復傳往勘復傳乘舟抵山從鳥道登峰頂還言玉環山雖
四面中可墾者無多况海盜所出沒良民孰肯往墾以糧齎盜脫
肯往者亦盜醜也卽墾不過數萬畝計費無底傷財增盜無益不
若罷之便李公怒更檄他屬往授意指必墾之大索山中田僅二
萬畝不足則取山麓潮退之地充之又取近天台縣田丈量畝有
所餘並以屬之又不足更取樂清縣民田歲輸糧者距城四十里
外盡隸玉環玉環經費不敷輒支帑金則令捐浙江省官俸半及
關津一切雜稅增稅其半用給經費時又檄弛溫之禁山令漁者
往來並稅之曰塗稅旣而民之漁者不走山中度關納稅如故吏
乃重征漁者塗稅漁者來控復傳具文上辯曰入山漁者有塗稅
出山漁者有漁稅今關稅漁又稅塗是重稅也凡七上上官怒以
爲阻撓玉環墾田有蜚語頗聞時諸城劉文正統勳奉使視海塘
過溫謂之曰聞君與李宮保兩雄不相下不移不屈君之謂乎戊
申擢分巡溫處道用儉訓俗民益翕然安之會商人辦銅積弊露
復傳爲定期給直持以法商人窘時方劾揭溫州府知府尹士份
不職狀士份反誣以阻商誤銅上官固疾復傳因劾之有
旨解任赴江南總督趙宏恩質問於是兩府士民聞將去則書旛

於山上揭之曰昔唐太學生魯郊季償二百餘人能詣闕留陽司業我輩今日不能止芮公之行何面目立於清世且夕集旛下者益衆則擁之館中積石塞其門夜則爇火以守途復傳諭之僉曰吾儕安敢違公欲籲上官於

朝留公治我耳復傳召父老曲諭若不得爾則巷哭失音聲爇香奉酒走送自府沿江干數十里晞舟之行人人伏地不能起久之竟坐以失察關吏舞弊革職

高宗御極免勿治仍留浙江辦銅事竣例當請復官聞父及母卒奔喪服除遂不出家居三十餘年尤篤於兄弟之愛呼諸子及孫前曰汝曹視我輩式相好矣世世勿忘也乾隆二十一年卒年九

十四

朱筠芮君墓碣銘

復傳天才雋朗學有本原畫仿南宋骨格蒼秀

豆

樹館詩話

有衣亭詩草一卷

畿輔詩傳二十九

朱綸通州人父歿家貧事母至孝

畿輔唐志八

尤尙氣節有海甯范姓

者寓通與綸僅一識面疾亟以子女託綸檢其橐得三十金爲經營數年婚嫁得所仍以原貲歸其子北關郝楊節婦年十四夫出不歸繼母逼改嫁不從守三十年綸高其節爲捐貲置地贍之且旌以傳後其夫歸完聚如故山左歲祲流民踵至綸倡立善社施濟全活無算康熙四十七年以五經舉京兆試第一四十八年進士改庶吉士平居好學博覽羣籍兼通岐黃術乙未冬

聖祖召對乾清宮命校玉樞等書雍正二年祀鄉賢子元仲官山

西甯縣知縣

通州高志

劉殿衡字伯玉寶坻人父兆麒兵部尙書本生父兆麟順治辛丑進士

張大受劉公墓誌銘

祖世累代仁厚嘗夢雙石麟入其室故二子皆以

命名

寶坻洪志

殿衡自少喜讀書負經濟才名以蔭就銓爲兵部武選

司員外郎陞刑部江南司郎中

劉公墓誌銘

大小咸辦分巡井徑道遷

保定守道未幾又調西甯巡道西甯邊塞咽喉蕃回人雜處每春豫徵糧粒草束給戍軍民力甚罷殿衡請期至秋收後並乞河西五衛一例緩徵其蕃長車馬供應先期符驗郵傳肅清有治大魁者寶坻志掌回教素樹氣節或密告其通外蕃為亂已就逮矣回人數千環殿衡車前鳴其冤殿衡請於總督佛倫佛密疏剖

上矜而赦之

賜以世職

劉公墓誌銘

諸回皆歡忭羅拜以是聲震湟中擢江南布政

使清隱冒除版荒經水利贍飢民舉節孝政暇循行田野翺游山水間集名流觴咏如布衣交再遇

聖祖南巡嘉勞之親灑

宸翰以賜遂擢湖北巡撫武昌故兆麒駐節處也殿衡周知其利

弊而次第興革之與湖南巡撫趙申喬會勘土司區處允協荆巫

諸土司皆佩威德無敢梗者以憂歸服闋仍撫其地

寶坻志

不易條

約而人情帖然惟荆楚澤國宜籌百世之利江陵監利諸縣水溢堤壞部議失防官俱褫職殿衡以江堤民自修築非比河工費帑金請獨當不職之罪而免其餘

上一切宥之荆門沙陽堤勢險工鉅倡捐金采石調淮陽埽夫築堤建鋪以時開閉蜀江出峽下夷陵直公安危磯硝石出沒奔流行舸一觸輒碎殿衡乘水涸募工剗截牙角連築月堤以護泊步沿江多設救生船

劉公墓誌銘

時大學士高安朱公軾方為潛江令以

折獄平忤上官意將置下考殿衡與制府力爭卒舉卓異朱公嘗語人曰吾自為縣令時守直道而不變者由劉都憲之知我也在任數年勞悴備至卒於官仲兄殿邦字安侯累官至蘇松糧道署

布政使

聖祖書一州之表四字賜之人以爲一門盛事云

寶坻洪志

李長白字素心大興人早歲開敏讀書通大義性磊落遇人不爲
諭諭熱直行其意通曉世務人以疑難告一言而決父澍之官山
西留侍其祖能色養以國子監生考職以州同注籍鄉黨稱之曰
李君質重而神遠千里才也未幾父以強項不善事上官尤爲巡
撫噶禮所嫉嘗發常平倉出陳易新民便之澍娶於袁而宅袁有
官御史者與噶禮有隙遂疑御史私人也恚甚欲置之死倚撫無
所得則以擅發常平爲罪當是時祖父卒於家而父之獄尤急長
白乃遣執友馮某馳之山西省視且出奇計以釋疑於行臺事得
少緩然原疏稱盜用官錢甚夥澍不置辨獄成吏責償官逋乃盡
斥其生產不足又奔走求救於所知者或慰之曰孺子豈長貧賤

哉事解行致通顯矣長白流涕曰我知救父而已敢望榮名哉聞
者感動得貨三千金寄太原知府趙鳳詔代輸於官書甫達而鳳
詔亦被劾籍沒長白恐其敗乃事而不能脫父於縲絏也夢寐中
忽躍起數尺母拊慰之乃已會鳳詔具以事白乃得以寄金償官
如約久之卒得奉父歸里家雖貧暇輒治具召賓客宴樂以娛老
時人爲之語曰廉吏可爲而不可爲不見李太守之瀕於死也廉
吏不可爲而可爲不見李太守之有良子也長白少有經世才驟
遭困頓而卒能匍匐勞瘁以免親於難以終其天年其性有過人
者要其才足以濟之自往來燕晉吏胥乘間以恫疑恐喝風波之
震撼無日無之然當事多感其誠臧獲於相依不忍去異時山西
急遞至都率繫鈴於騾頸以相警及事平長白聞道上鈴聲卽色
變曰我聞郎當輒心膽墮地蓋一生精力盡此矣長白頤而豐面

顏美髭鬚衣冠莊飭議論多慷慨見者皆以遠大相期而不知其
終身於憂患也父卒後數年山西屬有以侵兵餉被劾者有司稽
故牘令舊時統轄上官分償之移檄大興治親屬長白償二百金
未幾復有屬吏被劾者如前制當分償六百餘金長白計無所出
約居待罪旋奉母喪葬畢而疾大作沈縣遂不起彌留猶以未完
父事為憾嗚呼可哀也已子兆嘉監生兆瑞雲南平彝典史邵晉
涵李

君家傳

韓畱字經正號石耕大興人畿輔詩傳十五善鼓琴池北偶談所操北音恥作

媿媿兒女之語終身不娶游覽江湖以終今之牧犢子也明詩綜小傳

尤工五言詩五律清穩頗足名家亂後游江南徧一厓台宕諸勝客

死平湖有句云春愁當二月酒渴起三池北偶談著有天樵子集咸

集

程可式字松村香河人康熙五十年舉人時年甫冠也上春官屢
不第與纂古今圖書集成擢內閣中書舍人奉使西蜀事竣授河
南縣令所蒞有聲未幾歸田乃增嵩雲涉江東野三集其志趣所
尚情隨境遷性與理洽靡所不宜有來山堂詩鈔八卷畿輔詩傳二十九

華陽吳祖椿校

